

玉谿生詩箋注

冊
一



玉谿生詩箋注

四部備要

集部

上海中華書局據原刻本

校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

欽定四庫全書總目

集部 別集類

李義山詩集三卷

內府藏本

唐李商隱撰商隱字義山懷州河內人開成二年進士釋褐祕書省校書郎調宏農尉會昌二年又以書判拔萃王茂元鎮河陽辟爲掌書記歷佐幕府終於東川節度判官檢校工部郎中事迹具唐書文藝傳商隱詩與温庭筠齊名詞皆縹麗然庭筠多綺羅脂粉之詞而商隱感時傷事尙頗得風人之旨故蔡寬夫詩話載王安石之語以爲唐人能學老杜而得其藩籬者惟商隱一人自宋楊億劉子儀等沿其流波作西崑唱酬集詩家遂有

西崑體致伶官有擣搗之譏劉攽載之中山
詩話以爲口實元祐諸人起而矯之終宋之
世作詩者不以爲宗胡仔漁隱叢話至摘其
馬嵬詩渾河中詩詆爲淺近後江西一派漸
流於生硬粗鄙詩家又退而講溫李自釋道
源以後注其詩者凡數家大抵刻意推求務
爲深解以爲一字一句皆屬寓言而無題諸
篇穿鑿尤甚今考商隱府罷詩中有楚雨含
情皆有託句則偕夫婦以喻君臣固嘗自道
然無題之中有確有寄託者來是空言去絕
蹤之類是也有戲爲艷體者近知名阿侯之
類是也有實屬狎邪者昨夜星辰昨夜風之
類是也有失去本題者萬里風波一葉舟之

類是也有與無題相連悞合爲一者幽人不
倦賞之類是也其摘首二字爲題如碧城錦
瑟諸篇亦同此例一概以美人香草解之殊
乖本旨至於流俗傳誦多錄其綺艷之作如
集中有感二首之類選本從無及之者取所
短而遺所長益失之矣

李義山詩注三卷附錄一卷

通行本

國朝朱鶴齡撰鶴齡有尚書埤傳已著錄李商
隱詩舊有劉克張文亮二家注本後俱不傳
故元好問論詩絕句有詩家總愛西崑好只
恨無人作鄭箋之語按西崑體乃宋楊億等摹擬商
隱之詩好問竟以商隱爲西崑

殊爲謬誤謹
附訂於此

明末釋道源始爲作注王士禎論

詩絕句所謂懶祭曾驚博奧殫一篇錦瑟解

人難千秋毛鄭功臣在尙有彌天釋道安者
卽爲道源是注作也然其書徵引雖繁實冗
雜寡要多不得古人之意鶴齡刪取其什一
補輯其什九以成此注後來注商隱集者如
程夢星姚培謙馮浩諸家大抵以鶴齡爲藍
本而補正其闕誤惟商隱以婚於王茂元之
故爲令狐絢所擠淪落終身特文士輕於去
就苟且目前之常態鶴齡必以爲茂元黨李
德裕絢父子黨牛僧孺商隱之從茂元爲擇
木之智渙邱之公然則令狐楚方盛之時何
以從之受學令狐絢見讎之後何以又屢啓
陳情新舊唐書班班具在鶴齡所論未免爲
回護之詞至謂其詩寄託深微多寓忠憤不

同於温庭筠段成式綺靡香豔之詞則所見
特深爲從來論者所未及惟所作年譜於商
隱出處及時事頗有疎漏故多爲馮浩注本
所糾又如有感二首詠文宗甘露之變者引
錢龍惕之箋以李訓鄭注爲奉天討死國難
則觸於明末璫禍有激而言與詩中如何本
初輩自取屈釐誅臨危對盧植始悔用龐萌
諸句顯爲背觸殊失商隱之本旨又重有感
一首所謂竇融表已來關右陶侃軍宜次石
頭者竟以稱兵犯闕望劉從諫漢十常侍之
已事獨未聞乎鶴齡又引龍惕之語不加駁
正亦未免牽就其詞然大旨在於通所可知
而闕所不知絕不牽合新舊唐書務爲穿鑿

其摧陷廓清之功固超出諸家之上矣

李義山文集箋注十卷

通行本

國朝徐樹穀箋徐炯注樹穀字藝初康熙乙丑

進士官至山東道監察御史炯字章仲康熙

壬戌進士官至直隸巡道皆崑山人考舊唐

書李商隱傳稱有表狀集四十卷新唐書藝

文志稱李商隱樊南甲集二十卷乙集二十

卷玉溪生詩三卷文賦一卷宋史藝文志稱

李商隱文集八卷四六甲乙集四十卷別集

二十卷詩集三卷今惟詩集三卷傳文集皆

佚

國初吳江朱鶴齡始哀輯諸書編為五卷而闕

其狀之一體康熙庚午炯典試福建得其本

於林佶採摭文苑英華所載諸狀補之又補入重陽亭銘一篇是爲今本鶴齡原本雖略爲詮釋而多所疎漏蓋猶未竟之稿樹穀因博考史籍證驗時事以爲之箋炯復徵其典故訓詁以爲之注其中上崔華州書一篇樹穀斷其非商隱作近時桐鄉馮浩注本則辨此書爲開成二年春初作崔華州乃崔龜從非崔戎故賈相國乃賈餗非賈耽崔宣州乃崔鄆非崔羣引據唐書紀傳證樹穀之誤疑又重陽亭銘一篇炯據全蜀藝文志採入馮浩注本則辨其碑末結銜及鄉貫皆可疑知爲舊碑漫漶楊慎僞補足之援慎僞補樊敏柳敏二碑證炯之誤信又據成都文類採入

為河東公上西川相國京兆公書一篇及逸句九條皆足補正此本之疎漏然上京兆公書乃案牘之文本無可取逸句尤無關宏旨故仍以此本著於錄焉

嘉慶元年六月臣浩得觀

欽定四庫全書總目提要始知唐李商隱詩文集注本下蒙附及臣詳註本略加評采爰敬謹錄刊奉冠簡首

臣馮浩恭識

王谿生詩箋註總目

卷首 錢序 王序 自序 發凡 史文

年譜 贈詩 詩話 目錄

卷一 編年詩

卷二 編年詩

卷三 編年詩

卷四 編年詩

卷五 不編年詩

卷六 不編年詩

卷六 不離字精

卷五 不離字精

卷四 不離字精

卷三 不離字精

卷二 不離字精

卷一 不離字精

字精 韻精 精論 目錄

卷首 卷一 王京 白字 卷八 史文

王漢全精選精點目

玉谿生詩箋註序

余於乾隆初持服里居同學伯陽馮翁以司寇而
予告在籍居第與余近朝夕過從時令孫孟亭侍
御未弱冠每侍坐間出所爲詩示余余喜而歎曰
玉谿生再生矣司寇心然余言乃曰初學從玉谿
入手庶不染油滑麤厲之習今承長者言當不令
改趨也又十年孟亭成進士爲名翰林擢侍御史
臺館中評隲孟亭詩者亦與余言券合壬申夏余
忽邁沉痾急請假歸丁丑冬孟亭以母憂還里去
余所居更近考業論文修乃祖洎余故事獨念余
衰白僅存情誼益篤旣孟亭服闋以舊有心疾時
發時止未得赴補因素愛玉谿詩文惜諸家所註
各有踳駁附會舊新唐書本傳各有岐誤爰細意

鈎核發詩文之含蘊以詳譜其行年年譜定而詩之前後各得其所矣詩得其所文之前後亦莫不按部就班而本傳之同異自見於是作者之心跡大彰灼於卷帙間書成問序於余余惟昔賢聲詩蹤跡其顯晦遲早若默有定數者然同一玉谿生集也余亦稍涉焉其膾炙人口詩篇未嘗不流連而諷詠之餘有闕疑者往往弗深考曩者尙書高文良公善詩愛少陵玉谿兩家多所箋記頗有得解處每於來朝退食之餘余偶詣之談論至夜分不倦曾出以相示惜未成書今得孟亭箋本與二三學子首尾繙閱浹旬始得終讀挹其聲光若更異於昔日者余亦不能自解焉是可爲玉谿幸而又多孟亭之深嗜孤詣爲難能也

乾隆乙酉秋九月香樹錢陳羣題於荆合齋

不讀善而己矣李觀山詩文彙註吾師孟子先

生解金耳要而論之斷斷非不讀書人所能辦也

蓋觀山為人史氏所稱與後儒所辨均為未得其

中在文者做非實事新舊唐書博載唐宋人紀載

五其微扁之本末反復于當時將相大臣除拜

之先後節錄叛服不常之情形年經月緯了然于

胸則惡能得其要領哉若先生之所注信乎其

如是矣是雖不過一家之言而已有關於史學尤

奇者其皆所到能復觀山一生襟抱置筆墨題

額在目其卷中雖合則實來數一與問天付感

人與百言其可也若觀與之於不而香

彈望乙酉燈代陳香樹繪刺羣職依集合齋

李義山詩文集箋註序

論古今著述得失者甚多請以一言決之曰讀書與不讀書而已矣李義山詩文箋註吾師孟亭先生碎金耳要而論之斷斷非不讀書人所能辦也蓋義山爲人史氏所稱與後儒所辨均爲未得其中注之者倘非貫穿新舊唐書博觀唐宋人紀載參伍其黨局之本末反覆于當時將相大臣除拜之先後節鎮叛服不常之情形年經月緯了然于胸則惡能得其要領哉若先生之所注信乎其能如是矣是雖不過一家之言而已有關於史學尤奇者鉤稽所到能使義山一生蹤跡歷歷呈露顯在目其眷屬離合朋儔聚散弔喪問疾舟嬉巷飲瑣屑情事皆有可指若親與之游從而籍記其

筆札者深心好古如是細心考古如是平心論古
如是讀之直恨先生不具千手眼盡舉天下書評
閱之然後快也故曰斷斷非不讀書人所能辦也
或謂著述家蹈空者固多若注釋則安能蹈空爲
予謂不然夫躁于求名而懶于攷核俗學之恆態
也彼所甚畏者史冊之繁重故所引用每不出于
本書徒襲取人牙後慧鈔謄了事如此縱滿紙爛
然究與蹈空無異不但虛談義理馳騁筆鋒者空
而無實卽在注釋家亦猶之空而無實矣若先生
此編則從實學中來非襲取可得甚矣真讀書人
可貴也予曩者由詞館教習出先生門下每蒙招
集邸舍杯酒論文受益多矣比來跼伏里閤竊欲
以垂老之年專力經史以藥游談不根之病捧誦

此編爰趣舉膚見書之簡端用爲勸學之一助若夫義山詩文家數何如其出處行事何如諸家論之詳矣茲不復贅云乾隆丁亥九秋受業東吳王鳴盛拜撰

王谿生詩箋註序

余幼學詩聞之長老言初學乍知詩味每易墮麤浮輕率之習以自喜而不知其自畫也若從晚唐入殆免是矣是詩學中之一徑也晚唐以李義山爲巨擘余取而誦之愛其設采繁艷吐韻鏗鏘結體森密而旨趣之遙深者未窺焉後雖間爲披閱無暇專攻侵尋三十餘年學不加進而病已攫心夙昔願以姓名託文字以傳於世者當遂付之泡影也偶復取義山詩一爲諷詠動有微悟試詮數章機不可遏於是徵之文集參之史書不憚悉舉而辨釋之詩集既定文集迎刃以解鮮格而不通者迺次其生平改訂年譜使一無所迷混余心爲之愜焉夫箋註義山詩文者既有數家皆積歲月

以尋求顧作者之用心明者半昧者猶半豈諸家
之力有所不逮歟抑千載而上千載而下即雕蟲
小技亦有默操其顯晦之數者歟然則又安知後
之讀斯集者不更有一往之深情如覩其面如接
其言論而嗤余之所得尚有遺憾也哉余既患心
疾固不能更進於斯也編纂成筆之以弁其端若
謂余於詩惟義山之是尚也則又余之所不居也

文集箋註
不更序

大清乾隆二十八年癸未春日桐鄉馮浩書
乾隆四十五年庚子秋日重校付梓不更序

余...

王...

玉谿生詩箋註發凡十一條

一諸家箋本皆名李義山詩集今從唐書藝文志

一玉谿生詩三卷之名以復其舊

一自明以前箋斯集者逸而無存朱長孺曰西清詩話載都人劉克嘗註

杜子美李義山詩又延州筆記載張文亮有義山詩註今皆不傳一按延州筆記所載唐音諸人詩句張文亮註云者非專註

本集也且寡陋不足言註釋石林道源創之朱長孺鶴齡成之行

世百年矣近則程午橋夢星姚平山培謙各有箋

本余合取而存其是補其闕正其誤焉疑而未

晰者尚間有之蓋義山不幸而生於黨人傾軋

宦豎橫行之日且學優奧博性愛風流往往有

正言之不可而迷離煩亂掩抑紆迴寄其恨而

晦其跡者索解良難所無如何耳

一余初脫稿聞吳江徐湛園逢源有未刊箋本徐

為虹亭太史子窮老著述余因外弟盛百二向

其後人借觀視朱氏程氏為優第或疎或鑿時

不能免而持論多偏聞其晚歲改易點竄反有

舍前說之是而遁入岐途者窮苦之累其神明

也余虛衷研審擇其善者採之庶苦心孤詣不

至全泯亦可以無恨矣原稿仍歸徐氏

一年譜乃箋釋之根幹非是無可提挈也義山官

秩未高事跡不著史傳豈能無訛舛哉今據詩

文証之時事一生之歷涉稍詳史筆之遺漏或

補讀者宜細閱之

一舊本皆作三卷而凌亂錯雜心目交迷其分體

者更不免割裂之病余定為編年詩二卷不編

年詩一卷行藏遞考情味彌長所不敢全編者

慎之也

一朱氏已采錢龍惕陳帆潘暉之說余所見有馮已

蒼舒定遠班田簣山蘭芳何義門焯錢木菴良擇

楊致軒守智袁虎文彪諸家評本又陸圃玉崑會

有專解七律刊本皆為節采附入庶深情妙緒

尤能引而伸之已余既采何義門評本辛卯春日取吳下所刊義門讀書記中兩卷細為校

勘同異頗多且有他人評語而誤收者有意義舛戾斷不出自義門者蓋屢經傳錄漸滋淆亂而義門於斯小集固不比經史

諸大集之審慎精當世之服膺前哲者宜更決擇焉

一箋者表也註者著也義本同歸今乃以徵典為

註達意為箋聊從俗見耳凡舊說之是者必標

明某曰不敢攘善顯然誤者改之而已若似是

而非或滋後人之疑者則贅列而辯正之引據

故實未免繁冗緣取義隱曲每易以刪摘失其

意指故不可不詳也

一事屢用註皆見前間有見於後者亦有前後互證者

一說詩最忌穿鑿然獨不曰以意逆志乎今以知人論世之法求之言外隱衷大堪領悟似鑿而非鑿也如無題諸什余深病前人動指令狐初稿盡爲翻駁及審定行年細探心曲乃知屢啓陳情之時無非借豔情以寄慨蓋義山初心依恃惟在彭陽其後郎君久持政柄舍此舊好更何求援所謂何處哀箏隨急管者已揭其專壹之苦衷矣今一一詮解反浮於前人之所指固非敢稍爲附會也若云通體一無謬戾則何敢自信

一論義山詩每云善學老杜固已然以杜學杜必不善學杜也義山遠追漢魏近仿六朝而後詣

力所成直於浣花翁可稱具體細玩全集自見
毋專以七律爲言其終不如杜者十之三學爲
之十之七時爲之也

一集中雙聲疊韻屬對精細而押韻每寬律詩東
冬蕭肴之類通用古詩如支微齊佳灰五韻通
用真文元寒刪先六韻通用唐人常例不足異
也且所重不在韻故略之

一友朋贈答傳自當時評騭抑揚紛於異代皆爲
不可廢者故附諸譜後架鮮藏書恨網羅未備
耳

一海鹽陳靈茂許廷有箋本久不傳矣聞閩中寧

化李元仲世熊亦有箋本未及訪其存否也數

十年來海寧許蒿廬昂霄曾註其半部亦無可

覓

許嵩廬校注義山詩云時事年月職官遷轉舊唐書必詳著之新書則疎漏多矣張宗柎云嵩廬箋註玉溪生詩六

卷又年譜考證及叢說凡數卷博考新舊兩書傳記百家以及近時評註疎通證明駁正瑕壘期與作者讓詞託寄不隔一塵

定稿僅有其半餘則零丁件繫塗改勾勒殊難辨識近如如臯史笠亭鳴臯與余

先後入翰林每舉玉谿詩互為賞析而凡文士之從事於斯者應不乏也夫文有一定之解詩多博通之趣茲編也我自用法耳若前輩之精研同時之濬發各有會悟不妨異同自當並行以俟後人之審擇

重校發凡

二條

一初恐病廢急事開雕既而檢點謬誤漸次改修積十五六年多不可計既欲重鐫通為校改大半如出兩手矣然究未全愜意也初行之本無從收回祈四方學士見輒為我毀之或郵寄相

易實叨惠好

一所引典故初梓半仍舊本以爲何煩盡改也詎意舊本動有疎誤甚且僞造妄增以成其說而後起諸書或不之察轉相據引襲謬承訛久而轉疑古籍之脫落是誠爲害已今逐條討核不日審而心會者弗以錄也學者庶可見信

桐鄉馮浩孟亭氏識

是集元訂本四卷正集三卷卷首一卷茲版因照庚子重校本付印其注釋訂誤之處更較箋注本爲詳備故頁數增多今爲便利讀者起見特酌分卷首爲二卷正集爲六卷以便緡閱幸識者諒之謹跋

對...幸...文...

昔...見...於...卷...六...

先...是...本...於...今...

之...因...與...本...其...

多...長...元...在...王...

精...研...以...益...其...

自...審...而...以...會...

重...轉...錄...古...之...日...

一...對...法...諸...書...不...

一...讀...書...本...博...有...

一...一...既...其...典...始...

一...一...既...其...典...始...

一...一...既...其...典...始...

〔舊唐書文苑傳〕

李商隱字義山懷州河內人曾祖叔恒年十九登

進士第位終安陽令祖備位終邢州錄事參軍父

嗣商隱幼能為文令狐楚鎮河陽謂受知始於河陽誤以所業

文干之年纔及弱冠楚以其少俊深禮之令與諸

子遊楚鎮天平汴州先天平後汴州誤從為巡官歲給資裝

令隨計上都開成二年方登進士第釋褐祕書省

校書郎調補宏農尉會昌二年又以書判拔萃王

茂元鎮河陽辟為掌書記得侍御史茂元愛其才

以子妻之數語從茂元鎮河陽敘下多誤茂元雖讀書為儒然本將

家子李德裕素厚一本無遇之時德裕秉政用為

河陽帥德裕與李宗閔楊嗣復令狐楚大相讐怨

商隱既為茂元從事宗閔黨大薄之時令狐楚已

卒子絢爲員外郎以商隱背恩尤惡其無行俄而

茂元卒來遊京師久之不調會給事中鄭亞廉察

桂州請爲觀察判官判官檢校水部員外郎誤大

中初白敏中執政令狐絢在內署共排李德裕逐

之亞坐德裕黨亦貶循州刺史商隱隨亞在嶺表

累載三年入朝京兆尹盧宏正尹爲宏奏署掾曹

令典牋奏明年令狐絢作相商隱屢啓陳情絢不

之省宏正鎮徐州又從爲掌書記掌書記府罷入朝

復以文章干絢乃補太學博士會河南尹柳仲郢

鎮東蜀辟爲節度判官檢校工部郎中大中末仲

郢坐專殺左遷誤商隱廢罷還鄭州未幾病卒商

隱能爲古文不喜偶對從事令狐楚幕楚能章奏

遂以其道授商隱自是始爲今體章奏博學強記

下筆不能自休尤善爲誄奠之辭與太原温庭筠南郡段成式齊名時號三十六〔小學紺珠〕三人皆行十六故曰三十六體

文思清麗庭筠過之而俱無特一作持非操〔莊子〕罔兩問景何其無特操

〔歟唐人〕文中特操字習見此謂反覆無特操也恃才詭激爲當塗者所薄名宦

不進坎壈終身第義叟亦以進士擢第累爲賓佐

商隱有表狀集四十卷傳文之謨皆於年譜辨正

〔新唐書文藝傳〕

李商隱字義山懷州河內人或言英國公世勳之裔孫謨令狐楚帥河陽奇其文使與諸子遊楚徙

天平宣武皆表署巡官歲具資裝使隨計開成二

年高鏐知貢舉令狐綯雅善鏐獎譽甚力故擢進

士第調宏農尉以活獄忤觀察使孫簡將罷去會

姚合代簡諭使還官又試拔萃中選王茂元鎮河

玉谿生詩箋註 史文 一一 中華書局聚

陽愛其才表掌書記以子妻之得侍御史茂元善

李德裕而牛李黨人蚩謫商隱以為詭薄無行共

排笮之茂元死來游京師久不調更依桂管觀察

使鄭亞府為判官亞謫循州商隱從之誤凡三年

乃歸凡字亞亦德裕所善絢以為忘家恩放利偷

合謝不通未至謝不通也二字誤京兆尹盧宏止宏止舊書皆作正新書傳作止世系

表仍作正表為府參軍典箋奏絢當國商隱歸窮自解

絢憾不置宏止鎮徐州表為掌書記久之誤還朝

復干絢乃補太學博士柳仲郢節度劍南東川辟

判官檢校工部員外郎府罷客滎陽卒商隱初為

文瑰邁奇古及在令狐楚府楚本工章奏因授其

學商隱儷偶長短而繁縟過之時温庭筠段成式

俱用是相夸號三十六體傳中既承舊書之誤又自有誤者

〔藝文志〕

李商隱樊南甲集二十卷乙集二十卷玉溪生詩三卷又賦一卷文一卷

〔宋史藝文志〕

李商隱賦一卷又雜文一卷別集類文集八卷又四

六甲乙集四十卷別集二十卷詩集三卷亦別集類蜀

爾雅三卷小學類雜纂一卷雜藁一卷小說類金鑰二卷

桂管集二十卷總集類使範一卷家範十卷儀注類

〔按〕宋志視唐大有增矣但志文多重復未可盡據桂管集豈在桂海諸賢之合集歟志於雜稿一卷書李義山史志書名不

書字余初疑之核其上下所引諸書當即商隱也雜稿似即象江太守等五紀之類後人亦稱雜記

〔鄭氏通志藝文略〕李商隱蜀爾雅三卷古文略

不書卷數雜纂一卷玉溪生詩一卷玉溪生賦一卷樊

南四六甲集二十卷乙集二十卷

〔晁氏郡齋讀書志〕於甲乙集各二十卷外又文集八卷晁氏曰商隱儷偶繁縟旨能感人人謂其橫絕前後無儔者又有古賦及文共三卷辭旨怪詭宋景文序傳中云譎怪則李商隱蓋以此詩五

卷清新纖豔

〔按〕晁氏似合古賦與文三卷詩五卷統稱文集八卷也與宋志異矣通志作詩一卷豈合三

卷為一卷耶馬氏經籍考集類既全引晁志矣別標玉谿生集三卷引陳氏書錄解題曰李商隱自號此集即前卷中賦及雜著也又於詩集標李義山集三卷引陳氏曰唐太學博士李商隱義山撰皆不細符也陳氏曰商隱所作應用之文當時以為工以近世四六較之未見其工也蓋義山之與宋人駢體與六朝舊法異故反嗤點樊南耳文集箋本不採評語附識于此

〔馬氏通考經籍門〕蜀爾雅下引陳氏曰不著撰人名氏館閣書目按李邕鄆云唐李商隱採蜀語為之當必有據

〔又〕雜纂下引陳氏曰俚俗常談鄙事可資戲笑以類相從今世所稱殺風景蓋出於此又有別本

稍多皆後人附益巽岩李氏曰用諸酒杯流行之際可謂善諛其言雖不雅馴然所訶諄多中俗病聞者或足以爲戒不但爲笑也

〔又〕金鑰下引陳氏曰分四部曰帝室職官歲時

州府大略爲牋啓應用之備

〔玉海藝文類〕唐金鑰二卷太學博士李商隱分門

編類〔按〕是則宋本多稱學博

〔明文淵閣書目〕李義山文集一部十冊李商隱

詩集一部四冊

書目係正統六年大學士楊士奇等編次文集舉字詩集舉名一也十冊四冊豈較今本

爲多惜不能搜校已崑山葉氏棗竹堂書目文集十一冊詩集同四冊

〔焦氏經籍志小學書類〕李商隱古字略一卷

〔按〕

英國公夏竦輯古文四聲韻五卷標列所引諸書有李商隱字略而郭忠恕汗簡所得七十一家有李尚隱集略其每字下李尚隱字略李尚隱集字李尚隱字指李尚隱集略皆尚隱非商隱是可疑而難定者今且以通志載古文略爲互證

其乃然論志小學書卷之李商隱古名類一卷

結集一法四冊

知文書類書曰一李商隱文集一書十冊李商隱

集一書十冊李商隱文集一書十冊李商隱

文集一書十冊李商隱文集一書十冊李商隱

文集一書十冊李商隱文集一書十冊李商隱

文集一書十冊李商隱文集一書十冊李商隱

文集一書十冊李商隱文集一書十冊李商隱

〔玉谿生年譜〕

譜創於朱氏改訂於程氏徐氏俱有疎誤今以詩文爲據史書爲證重定一通意在詳明不嫌辭費○譜中詩文同編但遺佚旣多傳者又錯亂故行藏大略猶可追尋年月細蹤不能殫審或從類敘之科要無凌節之弊所採史事視舊譜大有刪增惟取與詩文印合者

李商隱字義山懷州河內人

本傳

〔朱曰〕義山乃宗室英國公孫敬業則天時起義事敗被誅復姓徐氏新書傳乃云或言義山是其裔孫不足信也〔按〕李氏溯原隴西史記傳李將軍廣隴西成紀人也晉書傳涼武昭王廣之十六世孫也舊唐書紀高祖神堯皇帝

涼武昭王七代孫也義山詩曰我系本王孫又
曰我家在山西山西卽隴西也李勣本徐氏曹
州離狐人隋末徙滑州之衛南義山非其裔誠
不足辨李翱撰歙州長史隴西李則墓誌云涼
武昭王十三世孫李君歸葬鄭州某縣岡原正
與義山家世相合必卽其族而分派已遠如李
白亦涼武昭王後而不編屬籍也又舊書傳李
元道本隴西人世居鄭州爲山東冠族李揆隴
西成紀人家於鄭州則李氏之居鄭州者多矣
義山詩曰爲邦屬故園謂鄭州也祭叔父文曰
壇山舊塋山在鄭州也祭姊文云寓殯獲嘉又
云小姪寄兒來自濟邑濟源獲嘉乃河北地則
義山必舊居鄭州遷居懷州故有習業於玉陽

王屋之跡然姊與姪女仍歸葬壇山是終以鄭州爲故園也舊傳云還鄭州最得其實新傳客字小誤而二傳祇書懷州河內人皆小疎也

父嗣

本傳

嗣爲簿尉之流終浙東西從事詳下文

憲宗元和八年癸巳 商隱生

〔按〕義山生年無明文核之當在此年也朱氏據令狐楚鎮河陽義山纔及弱冠而謂生貞元十一二年間不知史已誤矣徐氏以爲楚鎮河陽義山當十六歲亦誤也本集可據考年齒者有三一爲開成時上崔華州書

是龜從非戎

一爲會

昌四年改葬姊與姪女之祭文

以諸祭文所書定爲四年

一爲

驕兒詩祭裴氏姊文曰靈有行於元和之年返

葬於會昌之歲光陰迭代三十餘秋又云寓殯
獲嘉向經三紀又云沉綿之際殂背之時某方
解扶牀猶能記面又云此際兄弟尚皆乳抱時
義山僅二三歲耳若泥三紀實數則當逆數至
元和四年矣然三十餘秋者踰三十即可稱而
三紀舉成數不必細拘如開元天寶合四十三
載而云四紀爲天子也况國語云十年數之紀
也何必定十二年哉祭姊與姪女時袁師未生
其後初在東川時云或小於叔夜之男約當爲
七歲則袁師約生於會昌六年乃驕兒詩形容
四五歲嬉戲情狀而自歎顛顛欲四十又云况
今西與北羌戎正狂悖指大中三四年党項寇
邊及回紇遺種逃附奚部者言之逆數至元和

八年則三十八年與欲四十合其姊若亡於元
和九年則至會昌四年得三十一年云經三紀
可也崔龜從爲華州紀在開成元年十二月崔
鄴爲宣州在二年正月書爲其時所上而云愚
生二十五年今自元和八年至開成二年數乃
正符此尤其朗然者故斷以是年爲生年縱或
少有先後而大要足據不若舊譜之動多窒礙
矣

九年甲午

十年乙未

商隱隨父赴浙祭姊文云恭惟先德實紹元風
良時不來百里爲政又云時先君子以交辟員
來南轅已轄蓋義山父爲鎮浙東西者所辟

〔按〕姊亡當在九年而以赴浙辟屬下年者參以下文年方就傅之句也况姊亡與赴浙其為某月皆不可考安知非九年冬十年春耶

十一年丙申

十二年丁酉

十三年戊戌 十一月令狐楚為懷州刺史河陽

懷節度使

舊書紀參
令狐楚傳

本傳皆言受知令狐始自河陽今則其誤不待辨矣

十四年己亥 七月令狐楚同中書門下平章事

舊書紀

十五年庚子 正月憲宗崩穆宗即位 七月令

狐楚罷為宣歙池觀察使再貶衡州刺史

舊書紀參

傳

穆宗長慶元年辛丑 四月令狐楚量移郢州刺

史是年遷太子賓客分司東都舊書傳

商隱隨父在浙約六年父卒奉喪侍母而歸祭

姊文云浙水東西半紀漂泊某年方就傅家難

旋臻躬奉板輿以引丹旄是也 [按]在浙似

六年有奇喪父是九歲幾十歲

二年壬寅 十一月令狐楚授陝虢觀察使楚至

陝復授賓客歸東都舊書傳

三年癸卯

四年甲辰 正月穆宗崩敬宗即位 令狐楚為

河南尹九月檢校禮部尚書宣武軍節度汴宋

毫觀察等使舊書紀參傳

敬宗寶歷元年乙巳

商隱年十三父喪除後似懷州無可居始居蒲

州之永樂其在是年或猶在後未可定〔按〕祭姊文云四海

無可歸之地九族無可倚之親既祔故邱謂葬父於

鄭州壇山故邱便同逋駭及衣裳外除旨甘是憲乃占

數東甸傭書販春占數占戶籍之數也蓋其先

由鄭居懷此似懷州亦無可居而蒲州在西京

東北三百里外貞觀中昇為四輔故曰東甸其

後會昌四年移家永樂有昔去今來之句舊蹟

當於此徵矣時雖居家於此又近遊以資養母

而凡所云學仙玉陽東形魄天壇上舊山萬仞

青霞外望見扶桑出東海仍屬懷州之境懷鄭

固宜頻往來也開成中移家關中至後東川罷

歸又還鄭州一生之屢遷靡定而戀戀於故土者皆可見已〔又按〕懷州近在東都之東北占數東甸似亦可謂鄭州無可歸始著籍爲懷州人也是與玉陽王屋之蹟更合若永樂則寓居耳且玩昔去驚投筆句似其時先有軍事驚心之行役相去未久况已在移家關中之後未必遠溯從前也此說亦可通然上說較是惟追測總難細定耳

〔詩〕

富平少侯

日高

陳後宮

陳後宮

二年丙午

四月橫海軍節度使李全略卒 十

二月帝遇弒文宗卽位

舊書紀

〔詩〕

覽古

文宗太和元年丁未

五月以前攝橫海節度副

使李同捷為兗海節度使七月同捷不受詔八

月削同捷官爵發諸道兵討之舊書紀參通鑑

二年戊申三月帝親試制策舉人賢良方正考

官馮宿賈餗龐嚴見劉蕡條對歎服以畏宦官

不敢取九月徵令狐楚為戶部尚書時河

南北諸軍討同捷久未成功每有小勝則虛張

首虜以邀厚賞朝廷竭力奉之江淮為之耗弊

舊書紀參劉蕡令狐楚傳通鑑

商隱年十六樊南甲集序曰樊南生十六能著

聖論才論以古文出諸公間後聯為鄆相國華

太守所憐居門下時敕定奏記始為今體按

著聖論才論在是時矣後聯為三字大可訂傳

文之誤詳下

〔詩〕

隋師東

謝書

無題(八歲偷照鏡)

失題

三年己酉 三月令狐楚檢校兵部尚書東都留

守東畿汝都防禦使 五月宣慰行營諫議大

夫柏耆斬同捷滄景平 十一月紀作十月令狐

楚進檢校右僕射天平軍節度鄆曹濮觀察等

使 十二月以吏部郎中宇文鼎為中丞舊書紀參

傳通鑑

商隱從楚在天平幕 〔按〕受知之深當在此

際故甲集序專稱鄆祭令狐文亦云天平之年

將軍樽旁一人衣白也是下兩年年方十七八

傳所云年纔及弱冠從為巡官者宜屬此時傳

文概書天平汴州尚未細核矧可遠及河陽時

哉 〔又按〕巡官之奏充者如文集狀中是也

新書志節度使本有巡官兼觀察又有巡官一人舊書志節度使下參謀無員數隨軍四人皆天寶後置未見品秩馬氏通考唐辟署之法有既為王官而被辟者有登第未釋褐入仕而被辟者有強起隱逸特招智略之士者此多起自白衣惟其才能不問所從來然則額奏之外當有隨宜辟置未遽狀薦而可白衣從事者故義山年少未第而為之也舊傳云從為巡官新傳改為表署表字似誤義山稱充海三

四年庚戌

〔詩〕

天平公座中呈令狐令公

五年辛亥

〔詩〕

牡丹

六年壬子 二月令狐楚爲太原尹北都留守河

東節度使舊書紀

商隱當至太原幕 是年應舉爲賈餗所斥上見

崔華州書

〔按〕朱閱歸解書彭陽碑陰云公尹洛禮陳商

爲鄆薦蔡京泣京辟李商隱尹洛者河南尹也

敘泣京於爲鄆後必太原之爲北京也令狐傳

云始自諸生隨計成名皆在太原實如故里秉

麾作鎮邑老歡迎義山受其知遇必當至其幕

中天平北京事本相接被辟當亦同也雖集無

確據理必然矣

〔按〕太原近境之詩宜有此時作者但意境多

不相合故無可定編

七年癸丑 正月右金吾衛將軍王茂元為嶺南

節度使 三月出給事中楊虞卿為常州刺史

蕭澣為鄭州刺史 六月令狐楚入為吏部尚

書 閏七月給事中崔戎為華州刺史 舊書紀王茂元令狐

楚傳參崔珙傳通鑑

商隱至鄭州哭蕭侍郎詩所敘是也 居崔戎

幕掌章奏 詳上文 [按]安平公詩曰送我習業

南山阿蓋時猶年少今定為二十一歲正相合

若舊譜則舛矣

[文] 太倉箴

八年甲寅 三月以崔戎為兗海觀察使六月卒

十二月召楊虞卿為工部侍郎 舊書紀參傳

[按]蕭澣入為刑部侍郎紀文不書當與虞卿同被命

商隱隨崔戎自華至兗 是年應舉為崔鄆所

不取見上崔華州書

〔詩〕 初食笋呈座中 海上 贈趙協律哲 贈宇文中丞

〔文〕 代安平公華州賀聖躬痊復表 謝除兗海表 兗海謝上表 進賀皇躬痊復物狀 奏杜勝等充判官狀

賜物狀 在道進賀端午馬狀 謝端午 遺表 兗州祭城隍文

九年乙卯 六月下京兆尹楊虞卿獄同平章事

李宗閔貶明州刺史虞卿貶虔州司馬刑部侍

郎蕭澣貶遂州司馬 十月以王茂元為涇原

節度使 令狐楚守尚書左僕射進封彭陽郡

開國公 十一月同平章事李訓謀誅宦官不

克中尉仇士良率兵殺宰相李訓王涯賈餗舒

元與及王璠郭行餘韓約等鳳翔節度使鄭注

為監軍張仲清所殺皆族之舊書紀參令狐楚傳通鑑

商隱往來京師安平公詩明年徒步弔京國是

也〔按〕義山入王幕雖始涇原但在得第後

詳下文舊書茂元傳
漏書鎮涇原

〔詩〕安平公詩過故崔充海宅話舊寄二掾
寄懷崔雍崔衮公子東還夕陽樓宿駱氏亭

開成元年丙辰二月昭義節度使劉從諫表請

王涯等罪名三月復上表暴揚仇士良等罪惡

四月令狐楚為興元尹山南西道節度使

十二月楊汝士檢校禮部尚書充東川節度使

中書舍人崔龜從為華州防禦使是年令

狐絢為左拾遺舊書紀參令
狐絢傳通鑑

〔按〕徐氏謂義山是年從令狐楚興元幕今考

下年馳赴興元本年未有在幕實據

〔詩〕有感二首重有感
母者他日過其門
哭遂州蕭侍郎
五松驛
令狐故番禺侯以滅罪致不辜事覺

八拾遺絢見招送裴十四歸華州和友人戲贈二首
戲贈任秀才李肱所遺畫松詩書兩紙得四十一韻
翁從東川宏農尚書幕

〔文〕 別令狐拾遺書

二年丁巳 正月吏部侍郎崔鄆為宣歙觀察使

高錯為禮部侍郎知貢舉 餘詳詩箋 六月成德

節度使王元逵尚壽安公主 以左金吾衛將

軍李執方為河陽節度使 十一月令狐楚卒

於鎮 是年令狐絢為左補闕 舊書紀參高錯令狐楚傳本集

〔按〕彭陽遺表已稱左補闕絢舊書絢傳服闋後改左補闕小疎也

商隱登進士第令狐絢雅善錯獎譽甚力故擢

第 本傳

冬赴興元代楚草遺表祭令狐文所云愚調京

下公病梁山絕崖飛梁山行一千也十二月還

京行次西郊詩蛇年建丑月我自梁還秦也

〔按〕唐制登進士第謂之及第然未即為官若

應他科而中謂之登科乃得授官義山次年應

宏詞以此惜不中耳或為人論薦從仕令狐於

義山雖歲使隨計實未嘗論薦徐氏謂以令狐

辟舉為校書郎誤矣馬氏通考曰唐士之及第

者未能便釋褐入仕尚有試吏部一關韓文公

三試於吏部無成則十年猶布衣且有出身二

十年不獲祿者義山至四年自以判入等釋褐

為官也

冊府元龜云商隱少有奇才令狐楚罷相歷汴州興元節度辟為從事游處之間未嘗相捨亦是約略之

辭不足泥也徐氏蓋因舊書傳楚將卒時有召從事李商隱之語不知從事乃以向為巡官之故史文隨意書之耳祭文實自

稱弟子故新傳改曰門人

〔又按〕唐撫言狀元以下到主司宅謝恩訖三

日後又曲謝主司方一一言及薦導之處俾其各謝挈維之力苟特達而取亦要言之蓋唐時極重薦導乃觀與陶進士書則交誼之乖固不可專咎令狐矣

〔詩〕

南山趙行軍新詩盛稱游讌之洽因寄一絕及第東歸女灑上却寄同年商於新開路壽安公主出降

寄惱韓同年二首 哭虔州楊侍郎 病中早訪招國李十將軍遇挈家遊曲江二首 韓同年新居錢韓西迎家室 西

南行却寄相送者 聖女祠 自南山北歸經分水嶺 行次西郊作一百韻 彭城公薨後贈杜勝李潘

〔文〕

上崔華州書 代為崔京北祭蕭侍郎文 代彭陽公遺表 為令狐緒謝宣祭表

三年戊午 二月孫簡為陝號觀察使 五傳作九

月以吏部侍郎高錯為鄂岳觀察使 十月皇

太子永薨於少陽院舊書紀高錯傳

商隱試宏詞不中選宏詞詳後與陶進士書所謂前

年乃為吏部上之中書中書長者抹去之是也

赴涇原王茂元幕娶其女皆當在是年

〔按〕義山以娶王氏見薄於令狐坐致坎壤終身是為事蹟之最要者而傳既有誤集無明文今則定其必在是年也傳文惟茂元愛其才以子妻之二語為是其屬之帥河陽時及云表掌書記得侍御史皆誤也韓畏之西迎家室義山有禁巒無人近之歎情見乎詞矣於是遂赴其幕既喜果諧琴瑟又希其論薦得官

李肇國史補曰伊慎每求

甲族以嫁子李長榮則求時名以嫁子皆自署為判官而奏之則藩鎮以婿充幕僚固有故事義山所希在此時令

狐楚卒未久得第方資絢力而遽依其分門別戶之人此詭薄無行之譏斷難解免而絢惡其背恩者也祭外舅文云往在涇川始受殊遇

才愛

而娶以女詩云綢繆束薪三豈無他人詩豈故曰殊遇綢繆之跡星在天言成婚也

人不如我同父言兄弟也忘名器於貴賤以品秩言去形迹

於尊卑以翁婿言註皇王致理之文考聖哲行藏之

旨每有論次必蒙褒稱時固為記室之任然非奏充及移秩農

卿分憂舊許羈牽少暇陪奉多違跡疏意通期

奢道密八字有深意茂元實庸材雖愛義山或因人之忌未敢奏請授官而義山因是略述踪跡之疏以自遠然

及矣無紵衣縞帶雅貺或比於僑吳荆釵布裙高

義每符於梁孟茂元家甚饒而為此言然則婚之成者明己之非豔其財也

於涇原而非陳許明矣况帥河陽茂元方有戎

事旋卒於軍更何暇及私事且義山方持母服

而祭文則云屬纊之夕不得聞啓手之言祖庭

之時不得在執紼之列斯豈初婚為記室之情

事也哉〔又按〕宏詞不中選已因娶王氏而

為人所斥也與陶進士書既敘絢助之成進士

復曰此時實於文章懈退乃命合爲夏口門人之一數耳其感之也淺矣又曰前年爲吏部上之中書歸自驚笑復懊恨周李二學士以大法加我後幸有中書長者曰此人不堪抹去之乃大快樂此飾辭也中書長者必令狐綯輩相厚之人漫成三首皆以何遜自比其云沈約憐何遜謂愛之者也延年毀謝莊謂讒之者也又云霧夕詠芙蓉何郎得意初謂己之新婚也此時誰最賞沈范兩尙書謂周李二學士以鴻博舉之也然則應鴻博正當初婚之際故安定城樓詩賈生年少虛垂涕王粲春來更遠遊乃不中選回至涇原之作互爲參考了無疑義矣

〔詩〕

撰彭陽公誌文畢有感漫成二首無題照梁初有情）安定城樓回中牡丹爲雨所敗二首東南

和韓錄事送宮人入道 奉和太原公送楊戴招楊戎 戲贈
張書記 贈送前劉五經映 四皓廟

〔文〕 為韓同年瞻上河陽李大夫啓 奠相國令狐公文
為張周封上楊相公啓 為濮陽公論皇太子表 謝

冬衣狀

四年己未 八月給事中姚合為陝虢觀察使

十月以敬宗子陳王成美為皇太子 舊書紀

〔按〕是年舊書紀七月刑部侍郎高錯為河南尹今細核乃知其誤詳寄成都高苗二從事詩

商隱釋褐為祕書省校書郎 正九品上階 調補宏農

尉 宏農為上縣尉 從九品上階 以活獄忤觀察使孫簡將罷去

會姚合代簡諭使還官 本傳

〔按〕釋褐為官必由吏部試判 〔通典〕凡選始於孟冬終於季春其擇人

以四事身言書判始集而試觀其書判已試而銓察其身言六品以下計資量勞而擬官五品以上不試列名上中書門下聽

制敕處分〔按〕自後六品以下每集選必試判 義山以判入等乃釋褐授官

定制必然故傳文從略 〔又按〕職官以清要

爲美校書郎爲文士起家之良選諸校書皆美
職而秘省爲最如翰林無定員諸曹尚書下至
校書郎皆得與選矣至尉簿則俗吏義山外斥
大非得意與陶進士書曰南場作判比於江淮
選人正得不憂長名放耳雖自負文才必得亦
隱謂忌者不能抑也又曰尋復啓與曹主求尉
於號實以太夫人年高樂近地有山水者云云
乃矯語耳觀所編諸詩憤鬱可見諭使還官亦
非其意也〔又按〕義山於開成二年已云愚
調京下然卽有興元之急行而釋褐實在四年
時當移家關中祭姪女文云赴調京下移家關
中寄瘞爾骨五年於茲逝之當在是年則云樂
近地有山水者必非始願所及矣

〔詩〕

宮中曲

無題二首昨夜星辰

鏡檻

曲池

有感

獻州刺史

〔中路因循〕

次陝州先寄源從事

荆山

任宏農尉

〔文〕

為楊贊善請東都洒掃狀

為濮陽公陳情表

五年庚申

正月帝疾甚中尉仇士良魚宏志矯

詔立潁王漣為太弟太子成美復為陳王帝崩

仇士良說太弟賜賢妃楊氏陳王成美安王溶

死遂即位

八月葬文宗於章陵

九月李德

裕為吏部尚書同中書門下平章事

同平章

事楊嗣復出為湖南觀察使

是年令狐綯服

闕為左補闕史館修撰

起為原官也其兼史職或稍在後

周墀

為華州刺史

韋溫為陝虢觀察使

高元裕

為京兆尹

舊書文宗武宗紀令狐綯周墀韋溫高元裕傳參通鑑本集

是年高鏐為西川節度使

王茂元自涇原入

為朝官 皆從本集酌書按高錯當代李固言節度西川崔

武宗即位之年即入朝也詳寄成都二從事詩王茂元事詳下

商隱辭尉任南遊江鄉 從本集酌書

〔按〕南遊江鄉全從篇什中參悟得之也座主

高錯觀察鄂岳而安黃為其所管義山既遊江

鄉必先赴其幕路經安黃玩過伊僕射舊宅詩

高於秋冬間已遷鎮西川故以舊宅寓慨而悵

不能更涉瀧江也僅寄詩與成都二從事了無

應合蓋得第既藉令狐背恩必相告語師生誼

薄遂致為人所擠不能入幕後所以有破鏡送

同年獨孤雲之武昌寄蜀客蜀桐之追恨也時

適楊嗣復罷相觀察湖南因又有潭州贈劉司

戶蕢之蹟司戶歷為宣歙王質興元令狐楚襄

陽牛僧孺從事皆見傳文僧孺開成四年八月
出鎮會昌二年罷蕢在幕正當其時蕢卒年無
明文新書傳載昭宗誅韓全誨等左拾遺羅衮
訟蕢云身死異土六十餘年帝贈蕢左諫議大
夫是年天復三年癸亥上距會昌四年甲子得
六十年蕢當於開成會昌間卒於江鄉故詩云
復作楚冤魂又云湓浦書來秋雨翻也義山於
此年至潭州會昌元年春與蕢黃陵晤別而蕢
於二年秋卒矣凡此皆南遊之實據也與陶進
士書九月東去而次年還京乃在春時與送千
牛李將軍俱聽漢苑鶯之約相合則江鄉之遊
不過數月耳〔又按〕獻相國京兆公啓在大
中三年還京之前

詳本篇下

所云東至泰山空吟梁

父謂太和八年兗海幕也南遊郢澤徒和陽春似在此時矣郢州屬山南東道北則襄鄧東南則江南西道之安黃鄂岳由江渡湖爲潭衡皆楚境也余揣其卽與潭州之遊同時然不必專指郢州固可統言楚境耳惟是時序不久篇章頗多細核未可全定若後之桂管歸途又不可合遞考流年又豈閑居永樂數年中有此行耶無可臆定故附志於此〔又按〕潭州郢州兼有閒情牽引也柳枝序云東諸侯取去唐時所稱東諸侯境固甚廣不得定指某地而石城莫愁謔柳贈柳諸篇何其似指柳枝也燕臺河內河陽諸篇似學仙玉陽東時所歡慕之人而其人大有湖湘之跡尺素雙璫湘川相識言之不

足又長言之湘中為潭州合之代越公房妓之
篇豈當嗣復鎮潭時歟當時既難顯陳後世何
煩追索愚實自嗤多事也又有江東隋宮南朝
諸篇合之懷求古翁和韋潘夜泊池州似更至
池昇揚諸州矣凡此遊蹟風懷得其大略而無
可細尋故不能編年特彙列第三卷中

〔詩〕

曲江 景陽井 詠史(七律) 垂柳 與同年李定言
曲水閑話 井泥 送千牛李將軍赴闕 崇讓宅東

亭醉後沔然有作 酬別令狐補闕
伊僕射舊宅 寄成都高苗二從事

臨發崇讓宅紫薇 過

〔文〕

為汝南公華州謝加階狀 為渤海公舉人自代狀
為渤海公謝罰俸狀 為濮陽公祭崔丞文 與陶進

士書

武宗會昌元年辛酉 三月貶楊嗣復為潮州刺

史 是年王茂元為忠武軍節度陳許觀察使

舊書紀傳
參本集

〔按〕舊傳云南中多異貨茂元積聚家財鉅萬李訓之敗中官利其財言因王涯鄭注見用茂元懼罄家財以賂兩軍以是授忠武軍節度使新傳云悉出家貲餉兩軍得不誅封濮陽郡侯召為將作監領陳許節度使今考諸表文則於武宗即位之初入朝歷御史中丞太常卿將作監遷司農卿而乃出鎮當在會昌元年觀為汝南京北賀赦表而無為濮陽賀表則其時尚在京師也再合之為祭張氏女文出鎮在是年夏也

商隱自江鄉還京從本集酌書

〔按〕春雪黃陵方為送別而祭張書記文時在四月其云一則歸從回雁之峰與異縣期迴雁句相合似義山自謂也又賀郊赦表在正二月豈歸期若是速耶潭州距京師約二千五百里

〔詩〕贈劉司戶黃潭州杏花岳陽樓欲為平生離思楚宮湘波如淚一破鏡七月二十八日夜與二

秀才聽雨後夢作七月二十九日崇讓宅讌作華州周大夫宴集

〔文〕為汝南公華州賀赦表為京北公陝州賀郊赦表祭張書記文為濮陽公陳許謝上表舉人自代狀

奏韓琮等充判官狀為鹽州刺史舉判官狀為汝南公以妖星見賀德音表賀彗星不見表

二年壬戌 二月檢校尚書右僕射李紳為中書

侍郎同平章事監修國史 八月回鶻烏介可

汗掠雲朔北川乃徵發許蔡汴滑等六鎮之師

以太原節度使劉沔為南面招討使盧龍節度

使張仲武為東面招討使李思忠即盟沒斯也歸附賜姓名為

河西党項都將西南面招討使皆會軍於太原

是年宣武節度使王彥威卒 令狐綯為戶

部員外郎舊新書紀宰相表參舊書李紳王彥威令狐綯子高傳通鑑

商隱又以書判拔萃重入秘書省為郎本傳參本集

〔按〕列傳中既為內外官從調試判與拔萃者

甚多〔通典〕選人有格限未至而能試文三篇謂之宏詞試判三條謂之拔萃亦曰超絕詞義者得不拘限而授職

〔按〕試宏詞選人試拔萃選人試吏部〔按〕試宏詞選人每見紀文如咸通時所書者其以尉而試判

者亦時見如〔舊書陸贄傳〕登進士第以博學宏詞登科授華州鄭縣尉罷秩東歸省母又以書判拔萃

授渭南簿遷監察御史之類是也
義山必請假罷秩乃又入試拔萃
義山祭姊文云三千

有司
謂宏詞吏部
試判及拔萃
兩被公選
謂試判
與拔萃
又曰免跡縣正

刊書秘邱甲集序云兩為秘省房中官偶成轉

韻詩公侍武皇為鐵冠我時憔悴在書閣臥枕

芸香春夜闌皆相同也傳文會昌二年拔萃不

誤第漏書重入秘省而書河陽辟掌書記云云

有誤耳文集徐箋謂拔萃亦在尉宏農前則誤

矣
〔又按〕重入秘省是復為清資也迺仍不

得久處而以母憂罷從此而後即不足深恃之

茂元亦遽卒矣而令狐八日益尊貴柄用不援

手而嗤薄之客途飄瞥使府沉淪斯義山生平

榮枯所由判也嗟夫

〔詩〕

鸞鳳 贈子直花下 哭劉蕢 送同年獨孤雲之武昌 贈

別前蔚州契苾使君

〔文〕

為汝南公賀元日御殿受賀表

三年癸亥 二月太原節度使劉沔率師至大同

軍遣天德行營副使石雄襲回鶻牙帳大敗之

迎太和公主以歸 四月昭義節度使劉從諫

卒三軍以其姪稹為留後遣使詔稹護喪歸洛

陽稹拒朝旨 以忠武節度使王茂元為河陽

節度使邠寧節度使王宰為忠武節度使

舊書無月日今從通鑑以合遺表也表云分領許昌兼臨河內似其初以陳許兼河陽繼乃命王宰 五月以

翰林學士承旨中書舍人崔鉉為中書侍郎同

平章事 舊紀在四年八月今從新書表與茂元遺表合 七月遣戶部侍郎

兼御史中丞李回宣諭河朔鎮冀王元逵魏博

何宏敬皆從命 制告中外削奪劉從諫稹官

爵以成德軍節度使王元逵充北面招討使魏

博節度使何宏敬充東面招討使仍委諸鎮各

進兵攻討

河中河東河陽之屬先已各屯兵境上備共侵掠今乃進攻

以武寧節度

使李彥佐為晉絳行營諸軍節度西南面招討

使

時崔元式為河中晉絳節度使彥佐則統行營

河陽節度王茂元以本

軍屯萬善

八月昭義牙將李丕降用為忻州

刺史

以陳許節度使王宰充南面招討使

賊將薛茂卿破天井關南科斗寨擒河陽大將

馬繼等

九月以王宰兼河陽行營諸軍攻討

使

因茂元病也及茂元卒以河南尹敬昕為河陽節度使王宰將行營昕供饋餉而已

以天德軍

使石雄為彥佐之副

王茂元卒贈司徒李

德裕奏河陽節度舊領懷州刺史請以河陽置

孟州其懷州別置刺史

以石雄代李彥佐為

晉絳行營節度使令自冀氏取潞州 十月河

東節度使劉沔充義成軍節度使荆南節度使

李石充河東節度使 十二月薛茂卿入澤州

密與王宰通謀爲內應宰疑不敢進積誘茂卿

至潞殺之并其族

舊書紀傳參新書紀表傳
通鑑會昌一品集本集

〔按〕命討昭義諸史所載遲速不同今証之會

昌一品集則舊書似少緩新書則太急也舊紀

四月詔百官會議可誅可宥之狀以聞五月進

狀以塞上用兵不宜中原生事而諫官上疏者

相繼一品集有五月二日請尙書省集議狀則

新紀五月卽書命將進討爲太驟矣集有賜元

逵宏敬詔云勿爲子孫之謀欲存輔車之勢又

云卿宜嚴固封疆候彼軍中有變劉稹歸闕別

有敘用蓋已命諸道嚴兵爲備尙未督其深入

積或悛改自歸固不必盡削奪誅夷也

舊書李德裕傳載勿

爲子孫之謀二句於李回論旨河朔時與通鑑不同似尤得其實更可爲非速用兵之證第無從細求其畫一耳

六

月五日論彥佐翼城軍狀十九日論賜澤潞四

面節度使狀止禁其擅自受降猶未詔進攻而

賊兵亦未出掠至七月十一日論三鎮狀云秋

氣已至將議進兵此卽所詔七月中旬旬五道齊

進者尙慮河朔暗有連衡乃遣李回宣諭則下

制削奪必在是月而舊紀書於九月則遲矣制

文所指逆節止言拒命未及凶鋒末云詢自僉

謀諒非獲已爲初次進兵語氣下詔之後賊將

并力南攻茂元屯兵萬善勢頗危急事在八九

月間集有八月中諸狀而賜王宰詔意云賊焚

燕晉絳廬舍侵逼萬善罪惡貫盈若如舊紀九月下制何一語不及之歟王茂元之卒証之一品集當在九月之末而本集茂元再遣使人勸諭劉稹中云秘不發喪已踰一月則必五月矣安而拒詔又歷數旬則必六七月矣遺表云前月某日軍聲大振賊勢少衰其爲七月以前尙觀望希赦七月乃力行天討更爲曉然蓋廟堂決策諸鎮彙屯固皆在夏時然序逢炎暑又未探河朔真情故不得不少寬以待至七月乃布告中外以必圖剪滅也先後之間勢分輕重大可考悟視前朝討諸藩鎮固已迅速豈遂若新書通鑑之至速也乎故詳核而酌譜之終因紀載舛錯難一一訂正耳

商隱居母喪從本集酌書

〔按〕遭母喪當在二年三年中玩諸祭文可證而不能細定何時也又有兩京鄭懷往來之跡祭文有云祥忌云近哀憂載途又云攝縗告靈徒步東郊則出行固不免第不敢久離喪次耳幽居冬暮詩必尚在京郊至四年春乃移家永樂也四年冬渴然有農夫望歲之志似母服將闋則居憂宜在二年總難確核矣三年四年之詩蹤蹟情緒多不相類惟過姚孝子廬略似棘人豈時值用兵致減哀痛歟細蹟難徵編排易舛此則愚之拘滯而不能釋然者

〔又按〕葬母無明文觀其營諸葬事則葬母不待言也

〔詩〕

灞岸出關宿盤豆館對叢廬有感即且小苑試春衣淮陽路賦得鷄鄭州獻從叔舍人懷求古

翁 和章潘前輩 和登訶事永樂陳居 盧巽贈穆山驛吏

登霍山驛樓 幽居冬暮

〔文〕 為李郎中祭竇端州文 為濮陽公與劉稹書 遺表 為王宣武王尚書文 為絳郡公鄭州禱雨文 祭

權謝宣弔賻贈表 為懷州李中丞謝上表 舉人自代狀 祭城隍文 賽城隍文

四年甲子 正月乙酉朔河東將楊弁作亂逐李

石壬子監軍使李義忠克太原生擒弁盡誅亂

卒 二月以河中節度使崔元式為河東節度

使以石雄為河中節度使仍晉絳行營諸軍征

討等使 紀文皆招討他書 楊弁伏誅 此二事為二月丁巳辛酉通鑑列入

三月誤石雄節度河中舊紀列入九月 殊誤今據英華中元式雄授官合制 三月詔西面招

討 即上晉絳 行營征討 石雄速圖進取以晉州刺史李丕為

之副 不由汾改晉書 紀作汾小誤 七月邢洛磁三州降 詔石

雄率軍七千人入潞州 八月昭義將郭誼等

斬劉稹首以迎雄澤潞平王宰傳稹首與郭誼

等獻京師 宰相李德裕守太尉進封衛國公

九月以前山南東道節度使盧鈞檢校左僕

射充昭義節度使 郭誼等與稹母裴稹弟妹

從兄及李訓王涯韓約王璠之親屬潛匿潞府

者並斬於獨柳 舊新書紀李德裕傳參通鑑會昌一品集文苑英華 是年易

定節度使李執方為陳許節度使 王宰移鎮河東石雄節度河陽

通鑑作十二月舊紀書王宰於九月而執方代王宰事史皆不載今參會史文而書之 令狐綯為右

司郎中 據新書傳酌書

商隱於楊弁平後移家永樂縣居 餘詳前本集

〔按〕葬姊與姪女似皆在正月及太原定後移

居永樂 似在春夏之交母服猶未闋而詩情不類豈既葬後情事少寬歟細蹟總無可考 時往來

京師本傳云茂元卒來遊京師久之不調亦有

小疎蓋母服當闋三年也其服闋未調或以婚

於茂元故耳重祭外舅文云愚方遁跡邱園前
耕後餉春日詠懷云我獨邱園坐四春蓋自此
數年皆閑居永樂也甲集序云十年京師窮且
餓則以雖居永樂頻至京師故統言之厥後在
東川有阿衮寄在長安之跡大約赴桂管辟仍
移家京下

詩

行文昭應縣送李郎中充昭義攻討大鹵平後移家
到永樂縣居書懷十韻和馬郎中移白菊寄和水

部馬郎中題興德驛喜聞太原同院崔侍御臺拜寄令狐
郎中靈仙閣晚眺寄鄆州章評事明神過姚孝子廬偶
書憶雪殘雪

文

祭徐姊夫文祭徐氏姊文祭處士房叔父文祭
小姪女文祭裴氏姊文重祭外舅司徒公文為祭

鄭從事妻祭從父文為裴祭薛郎中文為李詒孫上李相
公啓為白從事上李尚書啓為絳郡公上李相公啓上
史館李相公啓上崔相公啓上李相公啓為外姑隴西
郡君祭張氏女文

五年乙丑

正月宰臣李德裕杜悰等率百寮上

徽號 五月戶部侍郎李回為中書侍郎同中書門下平章事 是年令狐絢出為湖州刺史

盧貞為河南尹

舊書紀新書宰相表舊新書令狐絢傳白香山集

按舊書傳絢累遷庫部戶部員外郎五年刺湖州新書傳止書右司郎中而刺湖不書年傳文互有詳略

按白香山集有題府中水堂贈盧尹中丞詩又會昌五年三月舉七老會河南尹盧貞年未七十與會而不及列又詔取永豐柳植禁苑感賦詩河南尹盧貞和宋陳直齋為白公年譜謂是武宗末年事非宣宗初事又曰盧貞為尹在會昌四年七月其當有所據也

詩

寒食行次冷泉驛 惱飲席 花下醉

評事翁寄錫粥走筆為答 縣中永樂縣所居一草一木無非自栽

今春悉已芳茂 自喜 春宵自遣

題小松 七夕偶題 秋日晚思

題道靜院院在中條山 菊 漢宮詞 所居

奉同諸公題河中任中丞新創河亭 喜雪

按五年六年之詩亦有不可細分者仍當統玩 無愁果有愁曲北齊歌

文

為河南盧尹賀上尊號表

六年丙寅 三月帝不豫中尉馬元贇立光王忱

為太叔帝崩太叔即位 四月李德裕檢校太

尉同平章事江陵尹荆南節度使 五月以翰林學士兵部侍郎白敏中同中書門下平章事

八月葬武宗於端陵 十月李德裕為東都

留守 是年柳仲郢為鄭州刺史 舊書紀李德裕柳仲郢傳參新

書紀通鑑

一按德裕出鎮荆南留守東都舊紀最確舊傳謂會昌五年出鎮荆南數月追還復知政事今證之本集德裕終武宗朝未曾外出故新書表通鑑皆於六年四月書之也惟文鏡別集云余乙丑歲自荆南保釐東周路出方城有隱者曰居守後二年當南行萬里然舊傳云大中二年冬至潮陽則從六年以往數亦正合是則集中乙丑當為丙寅之訛舊傳誤據之而又見武宗病時德裕仍在朝乃以數月追還彌縫其闕耳

詩 小園獨酌 小桃園 自貺 祈禱得雨 落花 春日寄懷 所居永樂縣久旱縣宰

城舊莊感事 寄蜀客 蜀桐 昭肅皇帝挽歌三首 茂陵 漢宮 華嶽下題西王母廟 瑤池 過景陵 四皓廟

宣宗大中元年丁卯 二月李德裕分司東都

給事中鄭亞為桂州刺史桂管防禦觀察使

三月禮部侍郎魏扶奏放進士三十三人 五

月幽州節度使張仲武大破北部及諸山奚

七月尚書戶部侍郎翰林學士承旨韋琮以本

官同中書門下平章事 李德裕貶潮州司馬

舊書紀參新書
北狄傳宰相表

商隱弟羲叟登第 鄭亞廉察桂州請商隱為

掌書記 冬如南郡 江陵府本
荊州南郡 十月編定樊南甲

集 本傳參
文集

〔按〕本傳皆言請為判官舊傳又云檢校水部
員外郎而新傳無之文集止云被奏當表記也
幕職必帶京銜凡判官支使掌書記之屬舊新
志未見品秩蓋以所檢校之京職為高下如諸
狀所云也員外郎從六品上階若已得斯銜則

還朝不應猶為九品之尉舊傳恐誤詩云湘妃

廟下已春盡虞帝城前初日曛舊書志西京至桂州水陸路四千七百六

十里而是年三月有閏則於四月抵桂林

詩 喜舍弟義叟登第上禮部魏公離席春遊岳陽樓漢水方

城 海客 桂林 深樹見一顆櫻桃尚在晚晴五月六

日夜憶往歲秋與澈師同宿酬令狐郎中見寄寓目席

上作 夜意 訪秋 城上 念遠 朱槿花二首 桂林路

中作 高松 海上謠 江村題壁 洞庭漁 自桂林奉使

江陵途中感懷寄獻尚書 宋玉

文 獻侍郎鉅鹿公啓 為滎陽公桂州謝上表 謝借飛

龍馬送至府界狀 長樂驛謝敕設狀 謝除盧副使

等官狀 為盧副使謝聘錢啓 為滎陽公在道進賀端午銀

狀 端午謝賜物狀 桂州舉人自代狀 舉王克明等充縣

令主簿狀 賀幽州破奚寇表 桂州賽城隍神文 桂州城

隍神祝文 賽舜廟文 賽越王神文 賽北源神文 賽會

山蘇山神文 賽白石神文 賽龍蟠山神文 賽陽朔縣名

山文 賽海陽神文 賽堯山廟文 賽古覽神文 祭蘭麻

神文 祭全義縣伏波神文 又賽諸縣城隍神文三首 賀

老人星見表 進賀冬銀狀 進賀正銀狀 謝賜冬衣狀 賀

奏請不敘錄將士狀 祭呂商州文 祭長安楊郎中文 太

尉衛公會昌一品集序 樊南甲集序

玉谿生詩箋註 年譜 三 中華書局聚

二年戊辰 二月鄭亞責授循州刺史 令狐綯

召拜考功郎中尋知制誥充翰林學士 杜棕

為西川節度使 三月兵部侍郎判度支周墀

同中書門下平章事 舊紀作三月宰相表作正月 十一月韋

琮罷為太子詹事分司東都 是年柳仲郢遷

為河南尹踰月召拜戶部侍郎 冬李德裕貶

崖州司戶參軍 舊書紀令狐綯李德裕柳仲郢傳參白敏中傳通鑑

〔按〕舊書令狐綯傳二年召拜考功郎中尋知制誥其年召入充翰林學士今考湖州府志天寧寺陀羅尼經石幢名款元年十一月末猶在吳興郡守表書二年四月二日除翰林學士蓋召拜考功未至闕又拜學士與舊傳合而舊紀書知制誥於元年六月又失書學士皆疎也

〔按〕宣宗朝史氏自言簡籍遺落十無三四故

紀文傳文及他書互証每不細符

大中初白敏中執政令狐綯在內署共排李德

裕逐之

崖州之謫綯宜與有力焉以前則尚在吳興也及儋公歿後見夢於綯綯畏其精爽白於帝使得歸葬似

與敏中當區別

亞坐德裕黨亦貶循州刺史

讀崖州制文云洎參信書亦引

親昵又附李紳之曲情斷成吳湘之寃獄蓋德裕奏改憲宗實錄凡所載吉甫不善之跡鄭亞希旨削之而吳湘之獄言是鄭

亞首唱李紳織成李回便奏故亞回皆貶紳已卒追削三任告身並詳舊書紀傳但制文載在三年似誤商隱隨

亞在嶺表累載三年入朝

本傳

亞貶循州死於官

新書鄭畋傳

〔按〕去冬如南郡春初當還桂州諸詩每言春

寒春早也及亞貶義山即由水程歷長沙荆門

所謂破帆壞槳荆江中者在此夏時未嘗隨赴

循州送鄭大南覲及後故驛迎弔可証也其時

當至故鄉與東都以戊辰會靜一篇見之旋又

出而行役有徘徊江漢往來巴蜀之程焉夫說

詩之法實則徵其蹤跡虛則領其神情無題篇

云萬里風波一葉舟憶歸初罷更夷猶碧江地
沒元相引黃鶴沙邊亦少留謂乍脫風濤又乘
流沂江少駐橈於武昌也下引益德阿童雖難
妄解而閩州益州其後詩句每相關應必有事
在無可推尋耳搖落篇云灘激黃牛暮雲屯白
帝陰及水亭月幌遙夜清砧諸句似深秋略頓
巴巫之境過楚宮云巫峽迢迢亦同時也搖落
因書夜雨寄北皆寄內之篇若後之赴東川幕
途旣各殊且喪失家道無此意緒矣梓潼望長
卿山至巴西復懷譙秀暗訴薦拔無人往來失
意乃此段之關鍵也寄令狐學士云山驛荒涼
重過聖女祠云來無定所去不移時爲三年春
還京時作皆可貫通參悟矣惟是遠程跋涉似

乎心注成都是時杜棕已自東川移西川乃一
無謁見之情至七年春尚云早歲乖投刺也舉
凡後之壬申七夕望喜驛寫意諸章句追慨於
閩蜀之間遇合無緣者情可印而蹟難徵矣此
與開成會昌間江鄉之遊皆從詩意悟出楚境
數程又為鄰近安能一一皆無混謬然彼時至
潭而不至蜀此段巴蜀之蹟水陸之程章句朗
然余所得已費苦心不能更苛索矣

〔詩〕

卽日 鳳 李衛公

北樓 題鷺

思歸 寄令狐學士

異俗二首

鈞天

昭郡 玉山

賈生 燈

送鄭大台文南覲 融禪師

漢南書事 荆門西下

獻寄舊府開封公 舊將軍

同崔八詣藥山訪

淚 亂石

權

花

陸發荆南始至商洛 河清與趙氏昆弟讌集得擬杜工部

歸墅 楚澤

戊辰會靜中出貽

寓懷

無題萬

里風波

寄北

因書

贈田叟移漢南書事上

搖落

過楚宮

深宮

夜雨

〔文〕

賀相國汝南公啓

三年己巳 正月以太常卿封敖檢校兵部尚書

為興元尹山南西道節度使 詔史館修撰杜

牧撰故江西觀察使韋丹遺愛碑牧以司勳兼史館 四

月兵部侍郎魏扶同中書門下平章事 五月

徐州軍亂以盧宏正為武寧軍節度使 十二

月李德裕卒 是年正月秦原安樂三州及石

門等七關來歸至六月收復訖七月三州七關

河隴遺黎數千人見於闕下九月西川節度使

杜棕奏復維州 令狐綯為中書舍人尋拜御

史中丞 司勳員外郎杜牧轉吏部員外郎授

湖州刺史 舊書紀令狐綯杜牧傳參宰相表通鑑

〔按〕牧之為司勳傳無細年月牧之文集云會昌五年十二月自秋浦移守桐廬後四年守吳興則入為司勳必在宣宗初至

是年出守吳興也刺湖之命在秋時詳箋中太平廣記採牧之湖州尋春較遲之事亦云大中二年

〔按〕李文鏡之卒舊紀作十二月通鑑己未日無月文鏡集與姚諫議書題閏十二月二十八日祭韋相文題大中四年月日似當卒於四年正月初耳

商隱還京選為整屋尉舊書志屬京兆府為畿縣尉為正九品下階本傳漏書

京兆尹奏署掾曹京兆掾曹有功倉戶兵法士六曹參軍事各二人正七品下階此曰奏署

固不拘品秩 令典章奏文集參本傳

〔按〕獻相國京兆公啓係還京之前途次相遇

但細跡無煩再考本傳以尹為盧宏正誤宏正傳皆

不書尹京尤知此誤 朱氏已疑之矣

〔詩〕巴江柳初起武侯廟古柏并絡杜工部蜀中離席 夢令狐學士 北禽 梓潼望長 獅山至巴西

復懷誰秀 夜斂 利州江潭作 重過聖女祠 木蘭 射蘭花 贈勾芒神 謁山 和孫章孔雀詠 碧瓦 腸

魚曲 無題四首 哀箏 權花二首 卽日 促漏 如有 令狐舍人說昨夜西掖玩月因戲贈 昨夜 杜司勳 贈

司勳杜十三員外 無題相見時難 故驛迎弔桂府常侍有感 野菊 漫成五章 贈庾十二朱版

〔文〕獻相國京兆公啓謝座主魏相公啓 謝宗卿啓 太原白公墓碑銘 為山南薛從事啓

四年庚午 六月戶部侍郎崔龜從同中書門下

平章事 九月党項為邊患發諸道兵討之時

已連年無功戍饋不已會昌六年二月紀文十月舊

一作十月翰林學士承旨兵部侍郎令狐絢同中書

門下平章事舊書紀參令狐絢傳新書紀表通鑑

令狐絢作相商隱屢啓陳情不之省屢啓陳情自絢漸貴時已

然宏正鎮徐州奏為判官本傳參文集

〔按〕宏正表辟在十月奏為判官非掌書記本

傳誤也時初得侍御史從六品下階通鑑注幕僚帶御史銜者謂之寄祿官亦曰憲官

傳稱在王茂元幕已得此銜今考自涇原至再

入祕省實無緣得此程氏據薛逢贈詩蓮府望

高秦御史定於此時極有識余証之詠懷寄祕

閣舊僚詩益信

〔詩〕無題紫府仙人 昨日一片 子直晉昌李花 李花 李花 訪
人不遇留別館 一片 寄懷韋蟾 白雲夫舊居

驕兒詩 對雪二一首 東下三句 苦於風土馬上戲作 題漢
祖廟 隋宮守歲

〔文〕為舉人獻韓郎中啓 為任侍御上崔相國啓 上兵
部相公啓 上尚書范陽公啓三首

五年辛未 十月戶部侍郎魏謩同中書門下平

章事兼集賢大學士 舊紀作 蓬果羣盜依阻
五月誤

雞山寇掠三川以果州刺史王贄宏充三川行

營兵馬使討之 十二月盜斫景陵神門戟貶

宗正卿李文舉睦州刺史 是年党項皆平 舊
新

書紀參
通鑑

商隱妻王氏亡於是年乙集序所云三年已來

喪失家道也六年商隱方還京房中曲所謂歸

來已不見也其亡在秋深屬疾一章可証又別

有柿葉翻時之句

〔詩〕讀任彥昇碑 偶成轉韻七十二句贈四同舍 戲題
樞言草閣三十二韻 越燕二首 蟬 辛未七夕

迎寄韓魯州同年

六年壬申 二月王贄宏討平雞山賊 七月河

南尹柳仲郢為梓州刺史東川節度使 八月

盧鈞充太原尹北都留守河東節度使 是年

盧宏正卒於鎮 舊新書紀參
舊書傳通鑑

〔按〕宏正拜宣武之命而仍
卒於徐傳不書月當在春時

徐府罷商隱入朝復以文章干絢乃補太學博

士 正六品
上階 會河南尹柳仲郢鎮東蜀辟為節度

書記 乙集序七月河東公奏為記室十月改
判上軍非若徐府之本奏為判官也 檢校工部

郎中 從五品上階
官止使下員外也然博士已正六品上階不應辟請反

降故從 十月改判上軍 判官稍高於掌書記在徐幕已為
判官而仲郢乃奏為記室義山必

舊書 至洛情懇而奏改也無 仲郢由河南尹遷轉商隱當

先至東都謁謝乃至東川自後數年皆在東川
幕是年冬差赴西川推獄本傳參

[按]據為河東上西川京兆公書合之述德抒

情詩是六年冬七年春有西川之役也杜棕於

七年移鎮淮南未詳何月詳箋故為河東數篇

謝啟似在七年春也

[詩]詠懷寄祕閣舊僚二十四韻房中曲 宿晉昌亭聞

驚禽 壬申七夕 柳曾逐東風 王十二兄與畏之

員外招飲不去因寄 壬申閏秋題贈烏鵲 夜冷 西亭

無題二首 有感 晉昌晚歸馬上贈 赴職梓潼留別畏之

驛 錢席重送從叔余之梓州 赴東蜀辟至散關遇雪 籌筆

[文]獻河東公啟二首為東川崔從事謝辟并聘錢啟二

七年癸酉 十一月編定樊南乙集
[按]東川詩難細分年月今略為區別讀者無
煩過泥

詩

張惡子廟 五言述德抒情獻杜七兄相公 復一章 獻上 韓冬郎即席為詩相送一 座盡驚他日成二絕

寄酬兼呈畏之員外 柳為有橋邊 三月十日流杯亭 西 溪 悵望西溪水 柳柳映江潭 細雨成詠獻河東公 屬

疾 楊本勝說於長安見小男阿衮 錦瑟 江上憶嚴五廣 休 李夫人二首

文

為河東公謝京北公啓二首 為柳珪謝京北公啓三 首 上河東公啓 謝河東公和詩啓 樊南乙集序

按以文集糾史書之誤甚愜予心惟乙集序

自大中元年敘至七年而其中書明年者三一

曰明年正月自南郡歸二月府貶選為整屋尉

一曰范陽公奏入幕明年府薨選為博士一曰

改判東川上軍明年記室請如京師復攝其事

余初疑其有舛細核乃豁然也今統而論之曰

舊傳從亞在嶺表累載三年乃歸蓋統赴辟時

言之非端從亞貶言之故曰累載而三年者大

中三年也 上文云大 中初 此故直云三年 新書錯會其意改云謫

循州從之凡三年乃歸誤矣序云正月自南郡
歸者使事畢仍歸桂州也二月府貶選爲尉者
言府貶在二月而其後還京爲尉語雖相接時
則稍遲乃簡筆耳盧宏正鎮徐始於三年辟商
隱則在四年啓有云去年遠從桂海來返玉京

亦可證非南郡卽赴京

勉調天官獲昇甸壤

謂漢爲整屋尉是畿甸官

仰燕路以長懷望梁園而結慮

詩所謂此時聞有燕昭臺也更可爲京尹

非宏正之據

豈期咫尺之書終訪蓬蒿之宅是宏正

出鎮後義山方還京次年乃承其辟蓋明年二字猶曰他年凡越一年或二三年皆可通稱七言轉韻詩中亦有明年字自再命芸閣至赴昭桂中間相距數年矣惟書東川時之明年卽爲下一年讀古人書卽一二無足重之字亦不

可忽稍或誤會荆棘叢生矣

八年甲戌

蕭鄴為戶部侍郎兼翰林

新書蕭鄴傳參本集

按新書傳年月未詳以文集諸啓核之當在是年至十一年七月鄴為相見表

〔詩〕

即日

春日

江亭散席循柳路吟歸官舍

柳下暗

意

寄太原盧司空三十韻

補詠二學山

〔文〕

為舉人上翰林蕭侍郎啓

為某先輩獻集賢相公啓

九年乙亥

十一月以河南尹劉瑑檢校工部尚

書汴州刺史宣武軍節度使

舊書紀參劉瑑傳

〔詩〕

憶梅

天涯

二月二日

西溪(近郭西溪好)

十年丙子

柳仲郢在鎮五年美蹟流聞徵為吏

部侍郎

舊書柳仲郢傳

按仲郢內徵舊紀不書傳文無細年月其領鹽鐵使舊紀書於十一年十二月傳則徵為吏侍下接書入朝未謝改兵部侍郎

充鹽鐵使似內徵亦在十一年也然舊紀十二年二月以同平章事崔慎由節度東川代韋有翼以有翼為吏部侍郎則有

翼代仲郢鎮東川必在前而紀又不書也又以仲郢為刑部尚書以夏侯孜充鹽鐵轉運使則仲郢領鹽鐵僅兩月恐非然矣蓋簡籍固多訛脫也通鑑書仲郢領鹽鐵於九年十一月即太早唐會要書十一年又云裴休大中五年領鹽鐵使十年出鎮尋以柳仲郢夏侯孜杜棕迭判之檢舊新書傳裴休大中六年八月同平章事判使如故在相位五年十年十月出鎮宣武則仲郢被命入朝當在十年冬合之金牛驛寄興元渤海尚書詩似十一年春初方還京故會要亦書十一年與舊紀同而紀之十二月則必誤也在相五年與在鎮五年皆自大中六年至十年書法正合詩云五年從事霍嫫姚亦相合今故酌於十年十一年冬春之交分書而連屬之似皆得其實矣

詩

題白石蓮花寄楚公 病中聞河東公樂營置酒口占寄上南潭上亭燕集以疾後至因而抒情 春深脫

衣 有懷在蒙飛獅 聞著明凶問哭寄飛獅 梓州罷吟寄同舍 斂席戲贈同舍 斂席代官妓贈兩從事

文

為崔從事寄尚書彭城公啓

十一年丁丑 行尚書兵部侍郎河東縣開國男

柳仲郢本官兼御史大夫充諸道鹽鐵轉運使

舊書紀參裴休傳唐會要

商隱還京後還鄭州

從本傳本集酌書

〔按〕仲郢領鹽鐵曾以義山充推官非至京即

還鄭州詳下

〔詩〕行至金牛驛寄興元渤海尚書 鄴杜馬上念漢書 留贈畏之三首 過招國李家南園二首

〔文〕為李兵曹祭兄濠州刺史文

十二年戊寅 商隱卒

〔詩〕正月十五夜聞京有燈恨不得觀 正月崇讓宅 贈 田叟 寄在朝鄭曹獨孤李四同年 水齋

〔按〕新書傳東川府罷客滎陽卒舊書傳還鄭

州未幾病卒大要相同無細年月裴廷裕東觀

奏記於温庭筠敕授隋縣尉附書義山以鹽鐵

推官死自開成二年登第至大中十二年竟不

升於王廷義山充推官他無可徵然推官分諸

道不一其人非誤以李從質 事為義山也義山以掾屬隨還仲

郢憐其衰病令叨祿贍厚德者宜然也仲郢罷

使在十二年之春義山病還鄭州而以是年卒
或還鄭稍在先也惟舊傳云大中末仲郢坐專
殺左遷商隱廢罷而仲郢傳云咸通時鎮興元
因決賊吏過當分司東都非大中東川時事舊
傳自相岐誤耳仲郢鎮東川時因李德裕歸葬命義山為
祭文注通鑑者引於咸通元年復德裕官
爵時乃追敘也徐氏取以證義山復在山南幕亦誤余既考定生年義山竟未
五十而歿陸魯望曰玉谿生官不挂朝籍而死
位卑年促皆在一語中文人薄命千古傷之矣

令狐綯東鉤十年義
山遂不能振可慨也

〔按〕程氏所編之譜其誤甚於朱氏也始則泥
崔華州之必為崔戎而謂書中故賈相國今崔
宣州非耽非鯨非羣必別有人史所失載者又
以驕兒詩西北羌戎之事屬之開成二年因直

改上崔書之二十五年爲三十五定以貞元己
卯爲生年夫生年必首以祭姊文爲據程氏竟
未一采崔華州不必戎而必曰戎故賈相必爲
鍊而不曰鍊任去取於古人而強成其獨見可
乎哉况如程說則袞師當生太和六七年何東
川時尙曰小男阿袞也程氏於會昌三年始書
娶王氏女烏得先十餘年已生袞師哉此所定
生年之誤也後則以過崔兗海宅詩爲咸通十
年痛和州刺史崔雍賜死而作因謂是時義山
已七十二歲夫旣爲崔雍而作何乃隱其己之
歷官反遡其父之故蹟歟趙李杜三人至是居
官三十年矣而乃云舊掾已華簪耶午橋謂此
篇悲悼刻至語皆過情與崔戎卒時不合曾不

思義山於華太守受知最深故吐辭悽惋哀情
之深淺準乎交誼之淡濃豈徒視彼家門之境
遇哉况安平公詩亦明言宅破子毀哀如何矣
此所定卒年之誤也首尾既謬中間自多舛誤
如以寄獻舊府開封公爲元和十五年令狐楚
貶衡州時贈哭劉司戶諸篇皆爲大中間自南
山北歸經分水嶺旣於題下從朱長孺之說而
譜又列之梓州府罷之時皆謬矣會昌二年下
書曰文集有爲鄭亞賀幽州破奚寇表曾不考
是年亞未外擢而奚與回紇部落大殊也會昌
三年始書娶茂元女依程氏所編義山已四十
五歲兩世節鎮之家相攸何竟無人而不愛少
年若此哉長安在西洛城在東唐之兩京也凡

自秦而東皆得謂之之東程氏乃定指東川故
列東下三旬與對雪二首於入東川時不知蜀
在秦之西南必不得云東也義山東川歸後還
鄭州不久病卒乃取望喜驛北禽詣藥山諸篇
列之咸通初柳仲郢鎮山南時而曰重佐山南
想當然耳何其妄逞臆見哉其他小誤甚多特
挈其大端於此余非好爲駁擊要其用心皆爲
義山開生面耳讀者當知余愛古人而亦不薄
今人也

〔徐湛園曰〕唐之朋黨二李爲大牛僧孺爲李
宗閔之黨魁故又曰牛李楊嗣復李宗閔令狐
楚與李德裕大相仇怨義山爲楚門下士是始
乎黨牛之黨者也迨從鄭亞辟令狐絢以爲忘

家恩憾之不置義山歸窮自解絢不之省徐州
歸後復以文章干絢乃補太學博士則終乎黨
牛之黨矣論者以爲王茂元壻又從事桂林遂
謂黨贊皇之黨不知茂元自有王涯爲之道地
又得中人之助所恃不獨一衛公也惟鄭亞始
終爲衛公所引然從亞非義山本懷又不過一
年觀其酬令狐郎中詩云補羸貪紫桂負氣託
青萍則心事和盤託不過爲貧而仕耳非有
心負絢者傳所云放利偷合則不誣也他如楊
虞卿蕭澣杜棕盧鈞無一非牛黨雖柳仲郢史
亦稱其與僧孺善而謂黨贊皇之黨者吾不信
也集中刺衛公詩不一而足若衛公一絕尤其
顯然者

〔按〕朱長孺序過褒義山徐氏盡翻朱說尤偏執矣夫李牛之黨實繁有徒然豈人人必入黨中不此卽彼無可解免者哉旣同時矣同仕矣勢不能不與之款接要惟爲黨魁者方足以持局而樹幟下此小臣文士絕無與於輕重之數者也今考令狐楚之於李衛公視牛之怨李則減矣楚雖與李逢吉善然元和進用自由皇甫縛蕭俛豈盡關牛黨哉盧鈞於衛公當國時鎮澤潞大中之季爲令狐絢所惡不得輔弼物議罪絢弄權此可亦謂之牛黨乎柳仲郢素與僧孺善德裕以之尹京兆仲郢謝曰不意太尉恩獎及此仰報厚德敢不如奇章公門館德裕不以爲嫌後大中朝仲郢感衛公之知傷李氏無

祿仕者乃取其兄子從質爲推官知蘇州院事
令以祿利贍南宅用是不悅於絢豈得專舉其
與僧孺善哉盧宏正於會昌中亦李所薦擢諸
人事皆見史書不得與楊虞卿蕭澣等並列而
無別白也義山少爲令狐楚所賞此適然之遇
原非爲入黨局而然惟是開成時旣以絢力得
第而乃心懷躁進遽託涇原此舊傳所云絢以
背恩惡其無行也絢之惡義山實始於此非遲
至德裕用茂元帥河陽時舊傳必先敘德裕與
李宗閔楊嗣復令狐楚大相讐怨乃修史者於
一時朝局心手熟習贅及之耳其後以鄭亞爲
李衛公所善逐李并及鄭而絢之惡義山尤不
能釋然矣然則赴鄭幕者所以重絢之怒其實

早怒其得第而背恩固非從衛國而遷及之也
最後在盧幕在柳幕皆屬衛公所賞識夫義山
之歷就諸幕皆聊謀祿仕既並非黨李之黨更
烏得以補太學博士之一節而謂終於黨牛之
黨也哉補博士乃綯之情不可認
非美遷也豈可以論黨局集中歎衛公詩吾
詳味之矣刺衛公詩絕鮮其李衛公一絕傷之
非幸之也惟上杜棕詩惡草雖當路乃實斥衛
公者以投贈之故冀聳尊聽不惜違心而弄舌
耳要而論之義山不幸而生於朋黨傾軋之日
所遇皆此輩未免爲其波染若其蹤跡各位絕
無與於黨局卽綯之惡其背恩僅一家之私事
耳安得過信史書各徇偏見而必謂其黨李之
黨或謂其黨牛之黨也哉况義山聯爲令狐楚

崔戎所憐戎則裴度領太原時之參謀單車諭
王承宗乃入爲侍御史得累遷使必以受知令
狐爲黨牛之黨則晉公薦德裕爲相而爲李逢
吉李宗閔所深怨何獨不以受知崔戎爲黨李
之黨也乎

〔又按〕義山旣不足與論黨局矣而統觀全集
其無行誠不能解免當得第而未仕則遽背恩
而赴涇原茂元卒又欲修好於令狐令狐出刺
吳興又卽膺桂管之辟泰然有不憚牽牛妒之
句桂府遽罷衛公疊貶令狐入居禁近則又哀
詞祈請如醉如迷迨至令狐宿憾終不可釋乃
始真絕望而以漫成五章揭生平之大略竊隱
附於衛公以冀取重於千載後也一人之筆矛

盾互持植品論交兩無定守嗚呼文人鉞肝雕
賢於畢生而徒博後世浮華無實之誚者其皆
自詒伊戚也夫

〔贈詩〕

贈李商隱

喻鳧

羽翼資搏扶山河使筆驅月疎吟夜桂龍失咏春
珠草細盤金勒花繁倒玉壺徒嗟好章句無力致

前途

惜其未第之作

重送徐州李從事商隱

薛逢

曉策政騎帶犀渠醉別都門慘袂初蓮府望高秦
御史柳營官重漢尚書斬蛇澤畔人烟曉戲馬臺
前樹影疎尺組挂身何用處一作說古來名利盡邱
墟

秋日旅舍寄義山李侍御

温庭筠

一水悠悠隔渭城渭城風物近柴荆寒蛩乍響催
機杼旅雁初來憶弟兄自爲林泉牽曉夢不關砧

一珍做宋版印

杵報秋聲子虛何處堪消渴試向文園問長卿

哭李商隱

崔珣

成紀星郎字一作李義山適歸黃一作高壤抱長歎詞林

枝葉三春盡學海波瀾一夜乾風雨已吹燈燭滅

姓名長在齒牙寒只應一作應遊物外攀琪樹便著霓

裳上絳壇一作蛻衣

虛負凌雲萬丈才一生襟抱未曾一作嘗開鳥啼花

落一作發人何在竹死桐枯鳳不來良馬足因無主

踈舊交心為絕弦哀九泉莫歎三光隔又送文星

入夜臺

羽翼資軒林山阿更華朝日刺令文卦請尖衣春

韻李商隱

韻

韻

〔詩話〕

專論一篇一聯者各附詩下其彙論者纂於此

楊文公談苑

義山爲文多簡閱書冊左右鱗次號獺祭魚

劉貢父中山詩話

祥符天禧中楊大年億錢文僖惟演晏元獻殊劉子

儀筠以文章立朝爲詩皆宗尚李義山號西崑體

後進多竊義山語句嘗內宴優人有爲義山者衣

服敗裂一作敝告人曰吾爲諸館職搏撻至此聞者

歡笑一作大噱子儀畫義山像寫其詩句列左右貴重

之如此

蔡寬夫詩話

王荆公晚年亦喜稱義山詩以爲唐人知學老杜

而得其藩籬者惟義山一人而已每誦其雪嶺未

歸天外使松州猶駐殿前軍永憶江湖歸白髮欲
回天地入扁舟與池光不受月暮氣欲沉山江海
三年客乾坤百戰場之類雖老杜無以過也

義山詩合處信有過人若其用事深僻語工而意
不及自是其短世人反以為奇而效之故崑體之
弊適重其失義山本不至是云

意不及者

按為之細箋自覺情味有餘無所謂語工而

許彥周詩話

作詩淺易鄙陋之氣不除大可惡客問何從去之
僕曰熟讀李義山詩與黃魯直詩而深思焉則去
也

呂居仁紫微詩話

東萊公嘗言少時作詩未有以異於眾人後得李

義山詩熟讀規摹之始覺有異

范元實詩眼

義山詩世人但稱其巧麗與温庭筠齊名蓋俗學只見其皮膚其高情遠意皆不識也

葛常之韻語陽秋

楊文公在至道中得義山詩百餘篇至於愛慕而不能釋手公嘗論義山詩以包蘊密緻演繹平暢味無窮而多愈出鑽彌堅而酌不竭使學者少窺其一斑若滌腸而浣胃知是文公之詩有得於義山者多矣

葉少蘊石林詩話

唐人學老杜惟商隱一人而已雖未盡造其妙然精密華麗亦自得其彷彿故國初錢文僖與楊大

年劉中山皆傾心師尊以為過老杜至歐陽文忠公始力排之然宋莒公兄弟雖尊老杜終不廢商隱王荆公亦嘗為蔡天啓言學詩者未可遽學老杜當先學商隱未有不能為商隱而能為老杜者

朱少章風月堂詩話

李義山擬老杜詩云歲月行如此江湖坐渺然真是老杜語也其他句蒼梧應露下白閣自雲深天意憐幽草人間重晚晴之類置杜集中亦無媿矣然未似老杜沈涵汪洋筆力有餘也義山亦自覺故別立門戶成一家後人挹其餘波號西崑體句律太嚴無自然態度

宋史朱弁傳詩學李義山詞氣雍容不蹈其險怪奇澁之弊

張戒歲寒堂詩話

李義山劉夢得杜牧之三人筆力不能相上下大

抵工律詩而不工古詩七言尤工五言微弱雖有佳句然不能如韋柳王孟之高致也義山多奇趣夢得有高韻牧之專事華藻此其優劣耳〔按〕三人何用並衡更何可與韋柳王孟較也不工五言此其優劣皆非確論

范晞文對牀夜語

前輩云詩家病使事太多蓋取其與題合者類之乃是編事雖工何益李義山人日詩正如前語若隋宮玉璽二句籌筆驛關張二句則融化排幹如自己出精粗頓異也

虹收青嶂雨鳥沒夕陽天月澄新漲水星見欲銷雲池光不受月野氣欲沉山城窄山將壓江寬地共浮秋應爲黃葉雨不厭青苔皆商隱詩也何以事爲哉又落花云落時猶自舞掃後更聞香梅花

云素娥惟與月青女不饒霜尤妙若江海三年客
乾坤百戰場則絕類老杜

敖器之詩評

暇日與弟姪輩評古諸名家詩謂李義山如百寶
流蘇千絲鐵網綺密瓌妍要非適用一作自然

范德機木天禁語

李商隱家數微密閒豔學者不察失于細碎

胡孝轅唐音癸籤

唐詩不可注也詩至唐與選詩大異說眼前景用
易見事一注詩味索然反為蛇足耳有兩種不可
不注如老杜用意深婉者須發明李賀之詭譎李
商隱之深僻及王建宮詞自有當時宮禁故實者
並須作注細與箋釋今杜詩注既如彼建與賀詩

有注與無注同而商隱一集迄無一人能下手始知實學之難卽注釋一家亦未可輕議也

元遺山有詩云望帝春心託杜鵑佳人錦瑟怨華年詩家總愛西崑好獨恨無人作鄭箋蓋謂義山詩用事頗僻惜無人注釋也乃遺山鼓吹一選郝天挺所注義山詩尤蕪謬不通門牆士親承詩教者尙如此可望之他人乎友人屠用明嘗勸余爲義山集作注以便後學予笑謂用明曰彼自祭魚獺今又欲我拾獺殘耶

馮定遠才調集評

王荆公言學杜當自義山入余初心謂不然後讀山谷集粗硬槎牙殊不耐看始知荆公此言正以救江西派之病也若從義山入便都無此病

賀裳載酒園詩話

義山綺才豔骨作古詩乃學少陵如并泥驕兒行
次西郊戲題樞言草閣李肱所遺畫松頗能質朴
然已有鏡好鸞空舞簾疎燕誤飛十五泣春風背
面鞦韆下諸篇正如木蘭雖兜牟兩襠馳逐金戈
鐵馬間神魂固猶在鉛黛也一離沙場卽視尙書
郎不顧重復理鬢貼花矣韓碑詩亦甚肖韓彷彿
石鼓歌氣概造語更勝之

〔按〕鏡好一聯乃
三韻小律非古詩

義山之詩妙於纖細如全溪作戰蒲知雁唼皺月
覺魚來晚晴并添高閣迴微注小窗明細雨氣涼
先動竹點細未開萍然亦有極正大者如肅皇帝
挽辭小臣觀吉從猶誤欲東封過故崔兗海宅與
崔明秀才話舊因寄杜趙李三掾莫憑無鬼論終

負託孤心惻然有攀髯號泣及良士不負死友之志非溫所及至若試墨書新竹張琴和古松石梁高瀉月樵路細侵雲尙是尋常好語唐律中不難得

魏晉以降多工賦體義山猶存比興

葉星期原詩

七言絕句古今推李白王昌齡李俊爽王含蓄兩人辭調意俱不同各有至處李商隱七絕寄託深而措辭婉可空百代無其匹也

何義門讀書記

晚唐中牧之義山俱學子美牧之豪健跌宕不免過於放學者不得其門而入未有不入於江西派者不如義山頓挫曲折有聲有色有情有味所得

爲多

馮定遠謂熟觀義山詩自見江西之病余謂熟觀義山詩兼悟西崑之失西崑只是雕飾字句無論義山之高情遠識卽文從字順猶有間也義山五言出於庾開府七言出於杜工部不深究本源未易領其佳處七言句法兼學夢得

朱長孺箋本序

附錄

玉谿生詩沈博絕麗王介甫稱爲善學老杜惜從前未有爲之注者元遺山云詩家總愛西崑好只恨無人作鄭箋予因繙覈新舊唐書本傳以及箋啓序狀諸作所載於英華文粹者反覆參考乃喟然歎曰嗟乎義山蓋負才傲兀抑塞於鉤黨之禍而傳所云放利偷合詭薄無行者非其實也夫令

狐綯之惡義山以其就王茂元鄭亞之辟也其惡茂元亞以其爲贊皇所善也贊皇入相薦自晉公功流社稷史家之論每曲牛而直李茂元諸人皆一時翹楚綯安得以私恩之故牢籠義山使終身不爲之用乎綯特以仇怨贊皇惡及其黨因併惡其黨贊皇之黨者非真有憾於義山也太牢與正士爲讎綯父楚比太牢而深結李宗閔楊嗣復綯之繼父深險尤甚會昌中贊皇擢綯臺閣一旦失勢綯與不逞之徒竭力排陷之此其人可附麗爲死黨乎義山之就王鄭未必非擇木之智渙邱之公此而目爲放利偷合詭薄無行則必將朋比奸邪擅朝亂政如八關十六子之所爲而後謂之非偷合非無行乎且吾觀其活獄宏農則忤廉察題

詩九日則忤政府于劉蕢之斥則抱痛巫咸于乙卯之變則銜冤晉石太和東討懷積骸成莽之悲党項興師有窮兵禍胎之戒以至漢宮瑤池華清馬嵬諸作無非諷方士爲不經警色荒之覆國此其指事懷忠鬱紆激切直可與曲江老人相視而笑斷不得以放利偷合詭薄無行嗤摘之者也或曰義山之詩半及閨闈讀者與玉臺香奩例稱荆公以爲善學老杜何居予曰男女之情通於君臣朋友國風之螭首蛾眉雲髮瓠齒其辭甚褻聖人顧有取焉離騷託芳草以怨王孫借美人以喻君子遂爲漢魏六朝樂府之祖古人之不得志於君臣朋友者往往寄遙情於婉孌結深怨于蹇修以序其忠憤無聊纏綿宕往之致唐至太和以後闈

人暴橫黨禍蔓延義山阨塞當塗沉淪記室其身危則顯言不可而曲言之其思苦則莊語不可而謾語之計莫若瑤臺璫宇歌筵舞榭之間言之可無罪而聞之足以動其梓州吟云楚雨含情俱有託早已自下箋解矣吾故曰義山之詩乃風人之緒音屈宋之遺響蓋得子美之深而變出之者也豈徒以徵事奧博擷采妍華與飛卿柯古爭霸一時哉學者不察本末類以才人浪子目義山卽愛其詩者亦不過以爲帷房暱媾之詞而已此不能論世知人之故也予故博考時事推求至隱因箋成而發之以爲世之讀義山集者告焉

解者各詳箋中

〔按〕序中所拈篇什其誤

朱竹垞靜志居詩話

石林好讀儒書嘗類纂子史百家為小碎集又以
餘力註李義山詩三卷其言曰詩人論少陵忠君
愛國一飯不忘而目義山為浪子以其綺靡華豔
極玉臺金樓之體而已第少陵之志直其詞危義
山當南北水火中外箝結不得不紆曲其指誕謾
其詞此風人小雅之遺推原其志義可以鼓吹少
陵惜其書未刊行會吳江朱長孺箋義山詩多取
其說間駁其非於是虞山詩家謂長孺陰掠其美
且痛抑之長孺固長者未必有心效齊邱子也

〔按〕汪堯峯為長孺作跋較竹垞翁辨之尤力
今不更錄王阮亭做元遺山論詩絕句云獮祭
曾驚博奧殫一篇錦瑟解人難千年毛鄭功臣
在猶有彌天釋道安此興會所及固非以溢美

爲定評也

力註李賀山詩三卷其言曰詩人論少陵
 復國一飯不忘而目義山為浪子以其
 區區金博之體而已與少陵之志直其
 山論此水火中外鑿鑿不與不紆由其
 其類此與人不復之遠惟原其志義可
 其類其類未代行會與江表長與義
 其功皆致其功於是處山詩家謂長
 且神術之長壽直長者未以有心效
 一按一汪其為長篇作續續續續續
 今不更錄王元亭做元山詩論詩論
 會書其與解一篇錄其入其千年
 錄其與解一篇錄其入其千年

玉谿生詩詳註補

卷首

〔發凡〕

西泠徐德泓武源陸鳴臯士湄又號鶴亭選李義山詩二百五十六首而疏之名曰徐陸合解雍正初年刊雖非盡善之本其中有先得我心及可互通者今特補采以資印証

〔史文〕

〔隨計上都〕

〔漢書武帝紀〕徵吏民有明當時之務習先聖之術者縣文續食令與計偕師古曰計者上計簿使也令

所徵之人與上計者俱來

持操

〔漢書董仲舒傳〕豈其所持操或葳繆而失其統歟〔南史〕持操字亦

習用

〔冊府元龜〕

幕府部才學類李商隱與太原温庭

筠南郡段成式齊名時號三才商隱至東川判

官檢校工部郎中有表狀集四十卷〔又〕文

章類作三才子所載同〔又〕東觀奏記曰義

山文學宏博牋表尤著於人間

〔欽定天祿琳琅〕明刊集本李義山集一函唐李

商隱著三卷此本標李義山集專錄其詩與陳

振孫書錄解題玉谿生集三卷卷帙雖同其書

各異則非宋人所刊無疑特櫺刻清明亦明槧

之善本也〔按〕此本無由得觀為悵

〔年譜〕

四五歲嬉戲情狀〔韻語陽秋〕作騎兒詩時衮師方三四歲爾〔按〕余所編似略長一歲再酌

山行一千合之鄭驛來雖及句商隱馳至興元楚猶未卒故屬其草遺表

自梁還秦必隨其喪而還也

重入祕書省為郎唐人常例諸傳文屢見南史張纘傳秘書郎四員宋齊以來為甲族起家之選其

居職例不數十日便遷任

萬善鎮元豐九域志在河內縣

遣李回宣諭按平潞之役得力在李回一使故舊書劉悟傳特敘之

柳仲郢遷河南尹舊書仲郢傳會昌中三遷吏部郎中德裕頗知之御史崔元藻覆案吳湘獄得罪

仲郢上疏理之人皆危懼德裕知其無私益重之奏為京兆尹

部缺判使卿意何如澳對曰臣心力減耗不耐煩劇甥柳玘謂澳曰舅之獎遇特承聖知云云是仲郢娶貫之女也

三年冊府元龜廢滯類全載李商隱舊書傳云隨亞在嶺表累年三年入朝則無疑也

十二月李德裕卒又按通鑑書己未李德裕卒而脫去紀月今檢其上文閏十一月丁酉下書甲戌

乃又書己未已閱八十三日則己未當入明年正月矣

〔北夢瑣言〕太和中李德裕鎮浙西有劉三復者

少貧苦學有才思德裕因遣詣闕求試果登第

歷任臺閣其子鄴敕賜及第登廊廟上表雪

德裕以朱崖神櫬歸葬洛中報其先恩也士大

夫美之

柳仲郢東川節度

授節度制文苑英華載之

〔詩話補〕

前所未引或引而太略者

江少虞皇宋事實類苑

宋史藝文志

江少虞皇朝事實類苑二十六卷

公

楊文公嘗言至道中

宋太宗時

偶得玉谿生百餘篇意甚

愛之而未得其詩之深趣咸平景德間

真宗時

因演

綸之暇徧尋前代名公詩集觀其富於才調兼極

雅麗包蘊密緻演繹平暢味有窮而炙愈出鑽彌

堅而酌不竭曲盡萬變之態精索難言之要使學

者少窺其一斑略得其餘光若滌腸而換骨矣由

是孜孜求訪凡得五七言詩長短韻歌并雜言共

二百八十二首唐末浙右多得其本故錢鄧帥若

水宋史鄧州南陽郡武勝軍節度錢若水官至鄧州觀察使故稱鄧帥嘗留意撫拾纔得四

百餘首錢君舉賈誼兩句云可憐夜半虛前席不

問蒼生問鬼神錢云其措詞如此後人何以企及

余聞其所云遂愛其詩彌篤乃專事緝綴鹿門先

生唐彥謙慕玉谿詩得其清峭感愴蓋聖人之一

體也然驚人之句亦多餘數年類集復求得薛廷

珪所作序凡八十二首世俗見余愛慕二君詩什

誇傳於書林文苑淺學之徒相非者甚衆噫大聲

不入俚耳豈足論哉此大兒官京師時錄寄者殿本聚珍版刊印發行矣兒稟云錢若水撫

拾纔得按百餘首今流傳者已有六百首則永樂大典中亦未必復有逸詩矣蓋余以不得在京一窺永樂大典為悵兒故以勸慰也今重展其手蹟不勝感傷云北宋時撫緝寧

必無非本集而誤收者故更詳錄之以備參悟

元遺山中州集

劉汲西崑集李純甫屏山為之作序中云義山善

用僻事下奇字晚唐人多効之號西崑體殊無典雅渾厚之氣反詈杜少陵為村夫子此可笑者也

按西崑體於渾厚未盡能豈并乏典雅此論殊未公也

高棅一名禮唐詩品彙

敘詩派李商隱正派詠物最縝密 晚唐杜牧之之豪縱温飛卿之綺靡李義山之隱僻許用晦之偶對晚唐變態之極也

宋漫堂說詩宋犖字牧仲號漫堂商邱人國朝康熙時歷官江西江南巡撫陞吏部尚書有編

津山人集

晚唐李義山刻意學杜亦是精麗 七律中晚之

錢劉李義山劉滄亦悠揚婉麗颯颯乎雅人之致

義山造意幽邃感人尤深按漫堂楓香詞有云低格磔碎間關新聲李義山雖借此畫

眉聲而唐突太甚何與說詩數語不相顧也浩竊以元遺山論詩詩古雅難將子美親精純全失義山真精純二字之評可謂真賞

矣

〔詩話補註〕前所已引者

楊文公談苑文公楊億也談苑為黃鑑所集宋史黃鑑傳楊億善其文延置門下

劉貢父中山詩話宋史藝文志劉敞詩話一卷

蔡寬夫詩話宋史志蔡寬夫詩史二卷按他書引之多作詩話

許彥周詩話百川學海載之建炎戊申襄邑許顛自序

范元寶堯山堂外紀元寶范祖禹之子秦少游婿

呂居仁紫微詩話宋史傳呂本中字居仁元祐宰相公著之曾孫紹興中中書舍人兼侍講直學士

學者稱為東萊先生按本傳童蒙訓三卷不載紫微詩話似後人所輯者乎

葛常之韻語陽秋宋史志葛立方韻語陽秋二十卷

葉少蘊石林詩話宋史文苑傳葉夢得字少蘊多識前言往行

朱少章風月堂詩話 張戒歲寒堂詩話宋史傳朱弁字少

章張戒附見趙鼎傳按風月堂詩話蓋其使金被留時作也中州集甲集宇文虛中亦使金遂為其翰林學士有次朱少

章韻詩又有歲寒堂詩當卽此張戒之堂也

敖器之詩評

〔堯山堂外紀〕敖陶孫字器之號耀庵〔王阮亭香祖筆記〕宋曜翁詩集一卷其評詩最精

范晞文對牀夜語

晞舊誤景語誤話今改正宋末人〔按〕蔡條西清詩話條字約之蔡京季子也文集

末逸句采其一條附志此

范德機木天禁語

〔元史〕虞集傳〔附〕范梈字亨父一字德機清江人詩文用力精深所著多傳於世

胡震亨唐音癸籤

震亨字孝轅海鹽人編輯唐音統籤自甲至癸分爲十籤九籤皆唐人詩惟癸籤詩

話今十籤不可全得矣全唐詩以胡氏統籤爲底本余校義山詩以戊籤中所載及明刊本集又仿宋刻本爲據居多

馮定遠才調集評

定遠名班號鈍吟常熟人國初有文名有鈍吟集鈍吟雜錄論詩重體格愛六朝及

晚唐

賀裳

字黃公

葉燮

字星期號已畦吳江人居洞庭山見曹秋岳靜惕堂詩集所謂葉星期高蹈山中者也亦見朱竹垞曝書亭集

玉谿生詩箋註目錄

卷一

韓碑

富平少侯

以下編年

日高

陳後宮

陳後宮

覽古

隋師東

謝書

無題

失題

天平公座中呈令狐令公

牡丹

初食笋呈座中

海上

贈趙協律哲

贈宇文中丞

安平公詩

過故崔充海宅與崔明秀才話舊因寄舊僚

趙杜李三掾

宿駱氏亭寄懷崔雍崔衮

公子

東還

夕陽樓

有感二首

王樂
卷
目
錄

重有感

故番禺侯以贓罪致不辜事覺母者他日過

其門

哭遂州蕭侍郎二十四韻

五松驛

令狐八拾遺

見招送裴十四歸華州

和友人戲贈二首

題二首後重有戲贈任秀才

李肱所遺畫松詩書兩紙得四十一韻

送從翁從東川宏農尚書幕

南山趙行軍新詩盛稱遊讌之洽因寄一絕

及第東歸次灞上却寄同年

商於新開路

壽安公主出降

寄惱韓同年二首時韓住蕭洞

哭虔州楊侍郎

病中早訪招國李十將軍遇挈家遊曲江二

首其次首原作寄成都高苗二從事今改正

韓同年新居餞韓西迎家室戲贈

西南行却寄相送者

聖女祠

自南山北歸經分水嶺

行次西郊作一百韻

彭城公薨後贈杜二十七勝李十七潘

撰彭陽公誌文畢有感

漫成三首

無題

安定城樓

回中牡丹為雨所敗二首

東南

和韓錄事送宮人入道

奉和太原公送前楊秀才戴兼招楊正字戎

戲贈張書記

贈送前劉五經映三十四韻

四皓廟

宮中曲

無題二首

鏡檻

曲池

有感

次陝州先寄源從事

荆山

任宏農尉獻州刺史乞假歸京

曲江

景陽井

卷二

詠史

垂柳

與同年李定言曲水閒話戲作

井泥四十韻

送千年李將軍赴闕五十韻

崇讓宅東亭醉後沔然有作

酬別令狐補闕

臨發崇讓宅紫薇

過伊僕射舊宅

寄成都高苗二從事

贈劉司戶蕢

潭州

杏花

岳陽樓

離思

楚宮

破鏡

七月二十八日夜與王鄭二秀才聽雨後夢

作

七月二十九日崇讓宅讌作

華州周大夫宴席

鸞鳳

贈子直花下

哭劉蕡

哭劉司戶二首

哭劉司戶蕡

妓席暗記送同年獨孤雲之武昌

贈別前蔚州契苾使君

灞岸

出關宿盤豆館對叢蘆有感

卽日

淮陽路

賦得雞

鄭州獻從叔舍人褒

懷求古翁

和韋潘前輩七月十二日夜泊池州城下先

寄上李使君

和劉評事永樂閑居見寄

戲題贈稷山驛吏王全

登霍山驛樓

幽居冬暮

行次昭應縣道上送戶部李郎中充昭義攻

討

大鹵平後移家到永樂縣居書懷十韻寄劉

韋二前輩二公嘗於此縣寄居

和馬郎中移白菊見示

寄和水部馬郎中題興德驛

喜聞太原同院崔侍御臺拜兼寄在臺三二

同年之什

寄令狐郎中

靈仙閣晚眺寄鄆州韋評事

明神

過姚孝子廬偶書

憶雪

殘雪

寒食行次冷泉驛

評事翁寄賜錫粥走筆爲答

縣中惱飲席

花下醉

永樂縣所居一草一木無非自我今春悉已
芳茂因書卽事一章

自喜

春宵自遣

題道靜院院在中條山故王顏中丞所置號
州刺史捨官居此今寫真存焉

題小松

七夕偶題

秋日晚思

菊

漢宮詞

所居

奉同諸公題河中任中丞新創河亭四韻之

作

無愁果有愁曲北齊歌

喜雪

小園獨酌

小桃園

自貺

所居永樂縣久旱縣宰祈禱得雨因賦詩

落花

春日寄懷

過故府中武威公交城舊莊感事

寄蜀客

蜀桐

招肅皇帝挽歌辭三首

茂陵

漢宮

華嶽下題西王母廟

瑤池

過景陵

四皓廟

卷三

喜舍弟羲叟及第上禮部魏公

題鄭大有隱居

謝往桂林至彤庭竊詠

離席

春遊

岳陽樓

海客

桂林

深樹見一顆櫻桃尚在

晚晴

五月六日夜憶往歲秋與澈師同宿

酬令狐郎中見寄

寓目

席上作

夜意

訪秋

城上

念遠

朱槿花二首

桂林路中作

高松

海上謠

江村題壁

洞庭魚

自桂林奉使江陵途中感懷寄獻尚書

宋玉

卽日

鳳

北樓

思歸

異俗二首

昭郡二首

賈生

李衛公

題鵝

寄令狐學士

鈞天

玉山
林奉對玉刻金中濕麝香爐尚書

燈

送鄭大台文南觀

獻寄舊府開封公

同崔八詣藥山訪融禪師

漢南書事

荆門西下

舊將軍

淚

亂石

槿花

陸發荆南始至商洛

歸墅

楚澤

戊辰會靜中出貽同志

河清與趙氏昆季讌集得擬杜工部

寓懷

無題

江上

風

九日

搖落

過楚宮

深宮

夜雨寄北
九月九日
夔州
客居
詩
工部

因書會
中出領同志

巴江柳

初起

武侯廟古柏
至商谷

井絡

杜工部蜀中離席

夢令狐學士

北禽

梓潼望長卿山至巴西復懷譙秀

夜飲

利州江潭作

重過聖女祠

木蘭

木蘭花

贈句芒神

謁山

和孫朴韋蟾孔雀詠

碧瓦

腸

射魚曲

無題四首

哀箏

槿花二首

卽日

促漏

如有

令狐舍人說昨夜西掖玩月因戲贈

昨夜

杜司勳

贈司勳杜十三員外

無題

故驛迎弔故桂府常侍有感

野菊

漫成五章

贈庾十二朱版

無題

昨日

子直晉昌李花

李花

訪人不遇留別館

一片

寄懷韋蟾

白雲夫舊居

驕兒詩

卷四

對雪二首

東下三旬苦于風土馬上戲作

題漢祖廟

隋宮守歲

讀任彥昇碑

偶成轉韻七十二句贈四同舍

戲題樞言草閣三十二韻

越燕二首

蟬

辛未七夕

迎寄韓魯州瞻同年

詠懷寄祕閣舊僚二十四韻

房中曲

宿晉昌亭聞驚禽

壬申七夕

柳氏十日飛林亭

王十二兄與畏之員外相訪見招小飲時予以悼亡日近不去因寄

壬申閏秋題贈烏鵲

夜冷

西亭

無題二首

有感

晉昌晚歸馬上贈

赴職梓潼留別畏之員外同年

錢席重送從叔余之梓州

悼傷後赴東蜀辟至散關遇雪

籌筆驛

望喜驛別嘉陵江水二絕

張惡子廟

五言述德抒情詩一首四十韻獻上杜七兄

僕射相公

今月二日不自量度輒以詩一首四十韻干
瀆尊嚴伏蒙仁恩俯賜披覽獎踰其實情
溢於辭顧惟疎蕪曷用酬戴輒復五言四
十韻詩獻上亦詩人詠歎不足之義也

韓冬郎即席為詩相送一座盡驚他日余方
追吟連宵侍坐徘徊久之句有老成之風
因成二絕寄酬兼呈畏之員外

柳

三月十日流杯亭

西溪

柳

細雨成詠獻尚書河東公

屬疾

楊本勝說於長安見小男阿衮

錦瑟

江上憶嚴五廣休

李夫人三首

卽日

春日

江亭散席循柳路吟歸官舍

柳下暗記

夜出西溪

寓興

假日

題僧壁

七夕

寫意

寄太原盧司空三十韻

憶梅

天涯

二月二日

西溪

題白石蓮花寄楚公

病中聞河東公樂營置酒口占寄上

南潭上亭讌集以疾後至因而抒情

春深脫衣

有懷在蒙飛卿

聞著明凶問哭寄飛卿

梓州罷吟寄同舍

飲席戲贈同舍

飲席代官妓贈兩從事

行至金牛驛寄與元渤海尚書

鄠杜馬上念漢書

留贈畏之三首

過招國李家南園二首

正月十五夜聞京有燈恨不得觀

正月崇讓宅

贈田叟

移漢南書事上

寄在朝鄭曹獨孤李四同年

水齋

補遺

詠三學山

卷五

寄羅劭興

以下不編年

崔處士

霜月

商於

清河

襪

同學彭道士參寥

效長吉

舊頓

齊宮詞

寄永道士

一片

少年

元微先生

公子

閒遊

贈歌妓二首

秋月

樂遊原

向晚

俳諧

藥轉

屏風

風

九成宮

少將

爲有

幽人

子初全溪作

贈宗魯筇竹杖

微雨

詠雲

碧城三首

蜂

明日

石榴

擬沈下賢

蝶 二首

牡丹

春風

人欲

吳宮

可歎

偶題二首

荷花

別臻師二首

街西池館

華清宮

百果嘲櫻桃

櫻桃答

曉坐

日射

華清宮

獨居有懷

代董秀才却扇

驪山有感

思賢頓

十一月中旬至扶風界見梅花

龍池

螻

無題二首

別薛巖賓

曉起

閨情

月夕

謝先輩防記念拙詩甚多異日偶有此寄

馬嵬二首

追代盧家人嘲堂內

代應

妓席

燒香曲

判春

無題

贈白道者

咸陽

離亭賦得折楊柳二首

十字水期韋潘侍御同年不至時韋寓居水
次故郭邠寧宅

青陵臺

酬崔八早梅有贈兼見示之作

擬意

代魏宮私贈

代元城吳令暗爲答

東阿王

涉洛川

歸來

燕臺詩四首

柳枝五首

石城

代贈

莫愁

贈柳

謔柳

代贈二首

楚吟

柳

韓翃舍人卽事

代越公房妓嘲徐公主

代貴公主

代應二首

楚宮

送崔珏往西川

夢澤

即日

失猿

鴛鴦

人日即事

柳

無題

春雨

丹邱

到秋

夜思

河內詩二首

卷六

河陽詩

涼思

江東

風雨

贈鄭讜處士

齊梁晴雲

效徐陵體贈更衣

又效江南曲

南朝

南朝

隋宮

隋宮

詠史

聽鼓

過鄭廣文舊居

宮妓

宮辭

武夷山

聖女祠

板橋曉別

關門柳

寄裴衡

銀河吹笙

聞歌

贈華陽宋真人兼寄清都劉先生

楚宮

水天閒話舊事

中元作

相思

日日

流鶯

題李上暮壁

復京

渾河中

北齊二首

別智元法師

贈孫綺新及第

寄華嶽孫逸人

賦得桃李無言

賦得月照冰池

代祕書贈宏文館諸校書

贈從兄闓之

常娥

殘花

天津西望

汴上送李郢之蘇州

憶住一師

早起

細雨

歌舞

魏侯第東北樓堂郢叔言別聊用書所見成

長篇宮共變琳

華山題王母祠

華師

過華清內廡門

樂遊原

贈荷花

房君珊瑚散

嘲櫻桃

和張秀才落花有感

櫻桃花下

暮秋獨遊曲江

月夜重寄宋華陽姊妹

雨中長樂水館送趙十五滂不及

裴明府居止

當句有對

子初郊墅

池邊

送王十三校書分司

復至裴明府所居

戲題友人壁

王昭君

曼倩詞

細雨

蝶

奉寄安國大師兼簡子蒙

景陽宮井雙桐

端居

夜半

滯雨

月

城外

北青蘿

僧院牡丹

高花

嘲桃

送豐都李尉

訪隱

蝶

蠅蝶雞麝鸞鳳等成篇

樂遊原

寄遠

明禪師院酬從兄見寄

訪隱者不遇成二絕

雨

和人題真娘墓

和鄭愚贈汝陽王孫家箏妓二十韻

九月於東逢雪

失題

原作送從翁東川
宏農尚書幕

送阿龜歸華

以下附錄

赤壁

垂柳

清夜怨

定子

遊靈伽寺

龍邱道中二首

題劍閣詩

玉谿生詩箋註目錄